

卷十 外科

山防使鍾淵貝錢松老

西醫經此為首之兆也最為

大如外大如掌內大如盤言

癰疽等症必須辨其陰陽有先

陰者有前後俱陽者有前後俱

陰者有前後俱陰者有前後俱

何以辨之也

辨證奇聞卷十

太醫院院使鏡湖氏錢 松著

外科

背癰門

人有背心間先發紅癩後漸漸紅腫此發背之兆也最爲可畏古人云外大如豆內大如拳外大如拳內大如盤言其外小而內實大也然而癰疽等毒必須辨其陰陽有先陰而變陽者有先陽而變陰者有前後俱陽者有前後俱陰者陽症雖重而實輕陰症雖輕而實重先陰而變陽者生先陽而變陰者死病既殊而何以辨之也陽症之形必

高突而腫起陰症之形必低平而陷下陽症之色必純紅
陰症之色必帶黑陽症之初起必疼陰症之初起必癢陽
症之潰爛必多其癩陰症之潰爛必多其血陽症之收口
身必輕爽陰症之收口身必沉重至於變陰變陽亦以此
消息斷斷不差也倘見紅腫而高突乃陽症之癰也乘其
內毒初發內猶未化急以散毒之藥治之可隨手而解也
發背而至於橫決者皆因循失治以致於破敗而不可救
陽變陰者多矣救癰如救火宜一時撲滅否則沿燒屋廬
不盡不止切勿見爲陽症無妨而輕緩治之也方用急消

湯

忍冬藤

二兩

茜草

三錢

紫花地丁

一兩

甘菊花

三錢

貝母二錢
黃栢一錢
天花粉三錢
桔槩三錢
生甘草三錢

水煎服一劑輕二劑又輕三劑全消不必四劑也此方消陽毒之初起最神既無迅烈之虞大有和解之妙世人不知治法謂陽毒易於祛除孟浪用狼虎之藥雖毒幸消散而真氣耗散於無形往往變成別病乃醫者成之也何若此方王霸並施有益無損之爲妙哉

人有背心發癢癢甚已而背如山重隱隱發紅暈如盤之大此陰癰初起之形象也最爲可畏尤非前症陽癰可比乃一生罪孽鬼祟憑身必然讖語胡言將夙昔欺心之事盡情宣揚如見此等症候本不可救然而人心善惡成於

一念之遷悔苟肯悔過求生而刀圭無術亦見醫道之無
奇矣蓋陽症有可死之條而陰症豈無可生之理亦在救
之得法耳大約陰癰之症雖成如鬼祟之纏身然必正氣
大虛邪得而入之也設正氣不虛邪將安入故救陰癰之
症必須大用補氣血之藥而佐之散鬱散毒之品則正旺
而邪自散矣方用變陽湯 人參 二錢 金銀花 半斤 附子
一錢 荊芥炒黑 三錢 柴胡 二錢 白芍 二兩 天花粉 五錢 生
甘草 五錢 水十餘碗煎汁二碗先服一碗後再服一碗服
後陰必變陽而作痛再用一劑而痛亦消再服一劑而全
愈竟消滅於無形也然而世人不至皮破血出斷不肯信

誰能先用此等之藥以治發背之陰癰乎毋論病人不肯服卽醫生亦不肯用或醫生知用此治療而病人之家亦不肯信徃徃決裂潰爛瘡口至如碗之大而不可收拾始追悔參芪之遲用晚矣余所以旣論此證而又多戒辭勸人早服此方而萬不觀望狐疑以喪人性命蓋陽毒可用攻毒之劑而陰毒必須用補正之味方用人參黃芪以補氣者氣旺則幽陰之毒不敢入心肺之間而金銀花性補善解陰毒得參芪而其功益大然非得附子則不能直入陰毒之中而又出於陰毒之外毒深者害深又益之生甘草以解其餘毒然而毒結於背者以氣血之壅也壅極者

欝極也故加柴胡荆芥白芍天花之類消其痰而通其滯
開其欝而引其經自然氣宣而血活痰散而毒消也

人有背癰潰爛洞見肺腑瘡口黑陷身不能卧口渴思飲
人以爲陽症之敗壞也誰知是陰虛而不能變陽乎夫背
癰雖有陰陽之分及至潰濃之後宜補內而不宜消則陰
陽之症一也潰爛而至於肺腑之皆見此從前失補之故
使毒過於沿燒將好肉盡化爲淤肉耳肉淤自必成腐肉
腐自必洞見底裏見此等症候亦九死一生之兆也倘胃
氣健而能食者猶可救療倘見食則惡者斷無生理雖然
能用參芪歸地亦徃徃有生者正不可棄之而不救也方

用轉敗湯 救之人參 一錢 黃芪 一兩 熟地 二兩 肉桂 三

錢 白朮 四兩 當歸 一兩 金銀花 四兩 麥冬 二兩 山茱萸 一

兩 遠志 三錢 北五味子 一錢 茯苓 三錢 水煎服一劑而得

氣大開者斷可轉敗為功也倘飲之而少能健飯亦必可
救惟恐飲之而查無應驗者是胃氣將絕也不必再治之
矣或飲之而飽悶少頃而少安者亦有生機此方補其氣
血而更補其肺腎之陰蓋陰生則陽長陰陽生長則有根
易於接續而後以金銀花解其餘毒則毒散而血生血生
而肉長肉長而皮合必至之勢也倘日以解毒為事絕不
去補氣血之陰陽則陰毒不能變陽有死而已矣不重可

悲悼乎

人有背癰將愈而瘡口不收百藥敷之絕無一驗人以為
 餘毒之未淨也孰知是陰虛而不能濟陽乎夫癰疽初起
 則毒盛變濃則毒衰濃淨則毒化矣瘡口不收乃陰氣之
 虛而非毒氣之旺世人不知治法尚以敗毒之藥攻之是
 已虛而益虛也欲其肌肉之長何可得乎然而世亦有用
 補法而仍然未效者但用陽分之品以補其陽而不用陰
 分之味以補其陰也蓋獨陰不長而獨陽亦不生癰疽致
 濃血已盡則陰必大虛止補其陽則陽旺陰虛不能交於
 陽矣雖陽有濟陰之心而陰無濟陽之力所以愈補陽而

陰愈虛陰愈虛而瘡口愈難合也治之法必須大補其陰使陰精盛滿自能灌注於瘡口之中不必用生肌外傳之藥而瘡口之內生矣方用生膚散 麥冬一兩 熟地二

兩 山茱萸一兩 人參一錢 肉桂一錢 當歸一兩 忍冬藤一

兩 白朮五錢 水煎服二劑而內肉自長又二劑而外口自

平又二劑全愈此方補陰之藥多於補陽使陰勝於陽也然而補陽之藥仍是補陰之助以其能入於陰之中以交於陽之內也忍冬藤非恃其解餘剩之毒取其能領諸藥至於瘡口之間也

人有背疽長肉瘡口已平忽然開烈流水人以爲瘡口之

肉未堅也誰知是色慾惱怒之不謹乎大凡瘡癰之症最忌者色慾其次忌惱怒也犯惱怒者新肉有開裂之虞犯色慾者新肉有流水之害然此猶些小之瘡癰也其在背癰犯惱怒者不過疾病而犯色慾者多致死亡其瘡口開裂之處必然色變紫黑而流水之處必然肉變敗壞矣當此之時必須急補氣血萬不可仍治其毒蓋前毒未淨斷難收口既經收口復至腐壞實新肉不堅而自求決裂也況發背新愈之後其精神氣血盡是空虛所以一交合泄精遂至變出非常舍補氣血又安求再活乎然而卽補氣血以些小之劑欲收危亂之功大厦傾頽豈一木能支哉

故又必須大劑救之而後可方用定變回生湯 人參一

錢黃芪三兩 當歸二兩 北五味二錢 麥冬二兩 肉桂三錢

白朮二兩 山茱萸五錢 忍冬藤二兩 茯苓一兩 水煎服一

劑而肉不腐矣二劑而肉自生矣三劑而皮仍合矣四劑而平復切戒再犯再犯無不死者即再服此方無益也可不慎乎此方實救瘡瘍壞症之仙丹不止癩發背愈後犯色之敗腐也人疑泄精以至決裂宜用熟地以大補之何故反置而不用以熟地補陰最緩而症犯實急所以舍熟地而多用氣血之藥救其垂危非熟地之不可用而輕置之也此方服數劑之後正宜減半而多加熟地以爲善後

之計耳

人有夏月生背癰瘡口不起脉大而無力發熱作渴自汗盜汗用參芪大補之劑益加手足逆冷大便不實喘促嘔吐人以火毒大盛也誰知是元氣太虛補不足以濟之乎夫癰分陰陽瘡口不起乃陰症而非陽症也脉大似乎陽症大而無力非陰而何發熱作渴此水不足以濟火故隨飲隨汗也既是陰症似陽用參芪陽藥以助其陽正足以祛陰以返陽矣何以愈補而反作逆冷嘔吐之狀此陰寒之氣甚盛而微陽之品力不能勝耳非助之以附子辛熱之品又何能斬關入陣以祛蕩其陰邪哉方用助陽消毒

湯 人參 一兩 黃芪 一斤 當歸 四兩 白朮 四兩 陳皮 一兩

附子 五錢 水煎膏作二服諸症頓退連服數劑瘡起而潰

乃減半又用數劑而愈此非治癰之法也然以治癰之法而輕治此等之症鮮不立亡可見治癰不可執之大約陽癰可以消毒化癰之藥治之而陰癰之病萬不可用消毒化癰之藥舍癰從症實治癰之變法醫者不可不知也

人有背生癰疽潰膿之後或發熱或惡寒或作痛或膿多或流清水自汗盜汗膿成而不潰口爛而不收人以爲毒氣之未淨也誰知五藏虧損血氣大虛之故也凡人氣血壯盛陰陽和平何能生毒惟其臟腑內損而後毒氣得以

內藏久之外泄及至癰疽發出其毒自不留內然而臟腑
原虛又加流濃流血則已虛益虛觀其外而瘡口未斂似
乎有餘審其內而氣血未生實爲不足法當全補而不必
偏補夫一臟致有偏勝之虞也方用十全大補湯最妙以
其合氣血而兩補之耳然而用之往往不效者非方之不
佳乃用方之不得其法耳夫背癰何等之症豈尋常細小
之劑所能補之乎必須多加其分兩大劑煎飲始克有濟

余因酌定一方以請正於同人也用 人參 一錢 黃芪 二

兩 白芍 五錢 肉桂 二錢 川芎 三錢 熟地 二兩 當歸 一兩 白

朮 五錢 茯苓 五錢 生甘草 三錢 水煎服自然用一劑有一

劑之效也世疑此方絕不敗毒如何毒化而生肉也不知
癰疽未潰之前以化毒爲先癰疽已潰之後以補正爲亟
縱有餘毒未淨不必敗毒也蓋敗毒之藥非寒涼之品卽
消耗之味也消耗則損人真氣寒涼則傷人胃氣真氣損
則邪氣反盛胃氣傷則穀氣全無又何能生肌長肉哉惟
十全大補湯專去助真氣以益胃氣故能收全效耳且此
方不特治背癰之已潰也凡瘡瘍已潰者皆宜用之惜世
人未知也

肺癰門

人有胸膈之間作痛咳嗽之時更加痛極手按痛處尤增

氣急人以爲肺經生癰也誰知是肺熱以成癰乎夫肺爲
嬌藏藥倉之所不到者也故治肺甚難肝熱害肺既已成
癰將何法以療之乎療之法似宜瀉火以救肺肺藥不可
入而肺之母爲脾脾經未嘗不受藥也肺之仇爲肝肺之
敵爲心二經又未嘗不受藥也補其脾經之土則土能生
金也平其肝經之木則金不能尅木也清其心經之火則
火不來刑金也三經皆有益於肺而無損於金則肺氣得

養而後以消毒之品直解肺中之邪何癰之不散乎方用

全肺湯 玄參三兩 生甘草五錢 金銀花五兩 天花粉三

錢 茯苓三錢 白芍三錢 麥冬二兩 水煎服一劑而痛減再

錢 茯苓三錢 白芍三錢 麥冬二兩 水煎服一劑而痛減再

劑而內消矣大凡肺癰之症必須內消而不可令其出毒
內消之法總不能外脾肝心三經治法而別求消癰之道
也或曰肺之子腎也獨不可治腎以消乎然而肺癰之成
雖成於火爍肺金之液實因肺氣之自虛也補腎雖亦能
使肺氣之不來生腎惟是肺腎相通補腎之水恐肺氣下
降而火毒轉不肯遽散不若止治三經使肺氣得養自化
其毒不遺於腎之爲妙也

人有胸膈作痛咳嗽吐痰更加疼甚手按痛處疼不可忍
咽喉之間先聞腥臭之氣隨吐膿血此肺癰不獨已成而
且已破矣夫肺癰未破者易乎消而已破者難於治以膿

血未能遽淨耳雖然得其法正不難也蓋肺之所以生癰者因肺之火不散也然肺火之來因肺氣之虛也肺虛而後火留於肺火盛而後結為癰不補虛以散火而未成形者何以消已成者何以散既潰破者又何以愈哉是虛不可不補而補虛者補何臟乎必須補肺氣之虛而肺不能直補其氣補胃氣之虛則肺氣自旺也今癰已破矣多吐膿血則肺氣尤虛雖毒氣猶存不可純瀉其毒於補氣之中而行其攻散之法則毒易化而正氣無傷方用完肺

散 人參 一錢 玄參 二兩 蒲公英 五錢 金銀花 二兩 天花

粉 三錢 生甘草 三錢 桔梗 三錢 黃芩 一錢 水煎服一劑而

膿必多二劑而膿又少三劑而疼輕四劑疼痛又輕五劑而疼痛止膿血亦止也六劑竟奏全功此方補胃中之氣而卽瀉胃中之火胃氣旺而肺氣自不能衰胃火衰肺火自不能旺所以既能敗毒而又能生肉耳雖諸藥亦能入肺不單走於胃然而入胃者十之八而入肺者十之二仍是治胃益肺也或問肺癰已破病已入裡似不宜升提肺氣南昌喻嘉言謂宜引之從胃入腸而先生仍用桔梗以開提肺氣恐不可爲訓嗟乎余所用之藥無非治胃之藥入於胃有不下引入腸者乎然而肺氣困頓清肅之令不行用桔梗以清肺上氣通而下行更速然則上之開提正

下之迅速也

人有久嗽之後肺管損傷皮膚黃瘦咽嗑唾自汗盜汗
民臥不得口吐稠痰腥臭難聞而毛悴色焦嗽之時必忍
氣須臾輕輕吐痰始覺隔不痛否則必大痛不已氣息淹
淹全無振與之氣人以爲肺中生癰也誰知是肺生瘡乎
此等之症本是難救然治之得法調理又善亦有得生者
夫肺癰與肺痿不同肺癰生於火毒治之宜速肺痿成於
勞傷治之宜緩火毒宜補中用瀉勞傷宜補中帶清瀉與
清不同而補同也惟是瀉中用補可用大劑清中用補當
用小劑勿忘勿助若有若無始能奏功也當用養肺去痰

湯 金銀花 三錢 生甘草 五分 生地 二錢 麥冬 三錢 紫苑

五分 百部 五分 百合 二錢 欵冬花 五分 天門冬 一錢 貝母

三錢 白薇 三分 水煎服服十劑而膈上痛少輕者便有生

機矣再服十劑而更輕再服十劑而漸愈前後其服六十

劑而始全愈也是方不寒不熱養肺氣於垂絕之時保肺

葉於將萎之頃實有奇功也倘捷效於一旦必至輕喪於

須臾寧忍耐以全生切勿欲速而送死也

世有膏梁子弟多食厚味燔熬烹炙煎炒之物時時吞嚙

或美醞香醪乘興酣飲遂致咽乾舌燥吐痰唾血喘急膈

痛不得安臥人以爲肺經火熾也誰知是肺癰已成乎夫

肺爲五臟之蓋喜清氣之熏蒸最惡燥氣之炎逼今所飲
所食無非辛熱之物則五臟之中全是一團火氣火性炎
上而肺全在上安得不獨受其害乎肺既受刑不能下生
腎水腎水無源則腎益加燥勢必取資於肺金而肺金又
病能不已虛而益虛已燥而更燥況各經紛然來逼火烈
金刑肺乾生癰必至之勢也治之法化毒之中益之養肺
之法降火之內濟之補腎之方庶幾已成者可痊未成者

可散也方用扶桑清肺丹 桑藥 五錢 紫苑 二錢 犀角屑

五分 生甘草 二錢 欵冬花 一錢 百合 三錢 杏仁 七粒 阿膠

三錢 貝母 三錢 金銀花 一兩 熟地 一兩 人參 三錢 水煎調

三錢 貝母 三錢 金銀花 一兩 熟地 一兩 人參 三錢 水煎調

犀角末服數劑可奏功也此方肺腎同治全不降火蓋五臟之火因飲食而旺乃虛火而非實火也故補其水而金氣堅補其水而虛火息況補中帶散則補非呆補而火毒又容易解也

肝癰門

人有素多惱怒容易動氣一旦兩脇脹滿發寒發熱已而脇痛之極手按痛不可忍人以爲肝火之盛也誰知是肝葉生癰乎世人但知五臟中惟肺生癰不知肝亦能生癰也且靈素諸書亦未言及得毋創論以驚世乎余實聞異人言謂脇痛手不可按者肝葉生癰也靈素二經不談者

肝經生癰世不常有古人未有此症所以畧而不言但古
今之氣運不同而癰毒之生長不一肝實能生癰烏可缺
而不論乎況肝之生癰未常無理也肝一惱怒則肝葉開
張肝氣卽逆大怒之後肝葉空脹未易平復使時加惱怒
是肝葉竟不得安且怒後必然動火怒愈多而火愈盛火
盛必燥肝乾肝血燥乾則肝氣大燥無血養肝更易發怒
怒氣頻傷欲不鬱結而成癰烏可得乎然而癰生於內何
從而見然內不可見而外則可辨也凡生癰者脇在左而
不在右左脇之皮必現紅紫之色而舌必現青色也以此
辨症斷斷無差而瘥之法必以平肝爲主而佐之瀉火去

毒之藥萬不可因循時日令其潰膿而不可救也方用化

肝消毒湯 白芍 三兩 當歸 三兩 炒梔子 五錢 生甘草 三

錢 金銀花 五兩 水煎汁一碗飲之一劑而痛輕二劑而痛

又輕三劑而痛如失減半再飲數劑全愈此方用當歸芍

藥直入肝中以滋肝血則肝血驟生易解肝血之燥又得

甘草以緩其急梔子清其火金銀花解毒安得不取效之

捷哉惟是火毒既盛肝血大虧用此方而不如此大劑煎

飲亦自徒然倘執以為肝火之旺而非是肝癰之成單用

歸芍以治脇痛斷不能取效也

人有左脇之間疼痛非常手按之更甚人以為脇痛而不

詳登行刊

知非脇痛也此乃肝經之癰耳夫肝經生癰多得之腦怒
爲多前條已暢論之矣然而肝癰不止惱怒能生而憂
鬱亦未嘗不生癰也惟是因惱怒而得之者其痛驟因憂
鬱而得之者其痛緩當其初痛之時用逍遙散大劑煎飲
其痛立止又何至因痛而成癰也因失於速治而肝中鬱
氣苦不能宣而血因之而結矣血結不通遂化膿而成癰
其勢似乎少緩然肝性最急癰成而毒發其驟也世有脇
痛數日而死者正因生癰毒敗而死非脇痛而卽能死人
可不急爲治之乎方用宣鬱化毒湯

柴胡 二錢

白芍 一

兩 香附 二錢

薄荷 二錢

當歸 一兩

陳皮 一錢

枳壳 一錢

天

花粉三錢

生甘草三錢

金銀花

一兩

水煎服一劑而痛輕

二劑而痛減三劑而痛又減四劑全愈重則不出六劑也
愈後用四物湯大劑調治不再發也且夫肝癰世不常生
既有前條不必又論及此然而肝癰不可見而脇痛世人
之所常病也吾特發明憂鬱之能成癰又若此則人知急
治又何至於成癰哉

大腸癰門

人有腹中痛甚手不可按而右足屈而不伸人以腹中火
盛而存食也誰知是大腸生癰乎大凡腹痛而足不能伸
者俱是腸內生癰而大腸生癰足尤不能伸也惟是大腸

生癰實有其故無不成於火火盛而不散則鬱結而成癰
矣然而火之有餘實本於水之不足水衰則火旺火旺而
無制乃養成其毒而不可解然則治之法何必治火哉壯
水以治火則毒氣自消方用清腸飲 金銀花 三兩 當歸

二兩 地榆 一兩 麥冬 一兩 玄參 一兩 生甘草 三錢 薏仁 五

錢 黃芩 一錢 水煎服一劑而痛少止二劑而足可伸再二

劑而毒盡消矣此方純是潤腸之物而又是活血解毒之
品雖是瀉火而實亦滋陰也所以相濟而相成取效如神
耳倘不益陰以潤腸而惟攻毒以降火則大腸先損又何
勝火藥之凌燥哉母怪愈治而愈不能效也

人有大腸生癰右足不伸腹中痛甚便出膿血肛門如刀
之割此腸癰已經潰爛也能食者生不能食者死雖然不
能食之中亦有非因火毒之熾而然者又不可因其不能
食而棄之也大凡生各癰瘡俱以有胃氣爲佳無胃氣者
無論陰毒陽毒多不可救故治癰疽之病斷以扶胃氣爲
第一治法而少加之敗膿穢毒之味則正氣無傷而火毒
又散今大腸癰破而至飲食之不思則胃氣盡降大危之
症也不亟補胃而惟治癰必死之道也方用開胃救亡湯

人參 一兩

金銀花 二兩

山藥 一兩

生甘草 三錢

薏仁 一

白木 一兩

山藥 一兩

生甘草 三錢

薏仁 一

水煎調服一劑

而胃開二劑而膿少三劑而痛止四劑全愈此方全去救
胃而敗毒祛膿已在其中妙在金銀花雖治毒而仍是滋
陰之藥爲瘡家奪命之將軍乃至仁至勇之帥又得參朮
以補助其力則散毒尤神山羊血止血消濁且善通氣引
諸藥直入癰中以解散之乃嚮導之智者也合而治之則
調和有人撫綏有人攻剿有人安得不奏功如神乎自然
胃氣大開化精微而轉輸於大腸也倘胃氣未傷服之尤
奏功如响萬無疑畏不用此方以柱人性命耳

人有火腸生癰小腹痛甚淋瀝不已精神衰少飲食無味
面色痿黃四肢無力自汗盜汗夜不能臥人以爲火盛生

癰也誰知是水衰不能潤 乎夫大腸之能傳導者全藉

腎水之灌注今因醉飽房勞過傷精力大泄其精遂至火

動而水涸又加生冷並進以致氣血乖違濕動痰生腸胃

痞塞運化不通氣血凝滯而成癰也然則生癰之先本是

腎水之不足滋癰潰之後復流其水是因虛而復虛也若

作火毒治之鮮不變為死症必須大補其腎水而並補其

脾胃之氣則脾胃化精生水更易枯涸之腸一旦得滂沱

之潤自然淹足而重蘇正不必治癰而癰已化氣血足而

肌肉生也方用六味地黃丸加味治之 熟地二兩 山藥

八錢 牡丹皮 六錢 山茱萸 八錢 茯苓 三錢 澤瀉 一錢 人參

一錢 黃芪 五錢

麥冬 一兩

水煎服連服數劑腹痛止而精

神健前症頓愈此方六味以補腎水加入參麥冬黃芪以補脾胃之士土旺而肺氣自旺肺與大腸爲表裡且又爲腎之母自然子母相需表裡相顧故奏功如神也

小腸癰門

人有腹痛口渴左足屈而不伸伸則痛甚手按其痛處更不可忍人以爲腸中生癰也然而腸中生癰不同有大小腸之分屈右足者大腸生癰也屈左足者小腸生癰也今屈而不伸者旣在左足是癰生於小腸而非生於大腸矣惟是大腸之癰易治小腸之癰難醫以大腸可瀉而小腸

難瀉也雖然得其法又何不可瀉哉蓋大腸可瀉其火從

糟粕而出而小腸可瀉其火從溲溺而泄也方用泄毒至

神湯 金銀花三兩 茯苓一兩 薏仁一兩 生甘草三錢 車

前子三錢 劉寄奴三錢 澤瀉三錢 肉桂一分 水煎服一劑

而水如注二劑而痛頓減三劑而症如失不須四劑也此

方俱是利水之藥止一味金銀花為消毒之味何以為建

功之神如此蓋小腸之藥必須內消而內消之藥舍金銀

化實無他藥可代以他藥消毒皆能損傷正氣而小腸斷

不可損傷故必須以金銀花為君但金銀花不能直入小

腸之中今同茯苓薏仁澤瀉車前子之類引入小腸又加

肉桂一分得其氣味引入膀胱從溲溺而化又恐火毒太盛諸藥不能迅速更加劉寄奴之速祛甘草之緩調剛柔遲速兼而行之既無留滯之虞而復無峻烈之害自然火毒從膀胱小腸而出也

人有腹痛呼號其痛却在左腹按之痛不可忍不許人手按醫以爲食積在大腸也誰知是小腸之生癰乎凡腸癰必屈其足而今不屈足似非腸癰之病然腸癰生於腸出者必屈其足在大腸屈右手而不伸在小腸屈左足而不伸也若癰生於腸外者皆不屈足痛在左則小腸生癰痛在右則大腸生癰也況食積燥屎之痛時而痛時而不痛

不若生癰之痛有定而不移常痛而無止息也故痛在左
明是小腸之外生癰也大小腸生癰於腸內尙可破潰而
大小腸生癰於腸外斷不可使之破潰者以腸外無可出
之路皆必死之症也而小腸更甚必須及早治之方用內
化丹 金銀花 四兩 當歸 二兩 車前子 五錢 生甘草 三錢
茯苓 一兩 薏仁 一兩 水煎服一劑而痛大減二劑而痛又
減三劑而痛全止四劑全愈此方卽前方之變方也但前
方以利水之中以行其敗毒之法茲方於利水之中補血
以敗毒之法也蓋癰破利水則毒隨水出易於祛除癰未
破不補血以利水則水泄而血虛難於消化同中之異不

新言奇聞 卷一
可不知也 此方亦須及早治之則有益否則癰雖愈而
瘀血留於腸外必有終身作痛之病也

人有腹痛驟甚小便流血而足不能伸人以爲小腸生癰
也誰知是小腸之火大盛乎夫小腸生癰必屈左足今左
足不伸明是生癰之症而子獨謂是火盛者何故不知生
癰必有其微未有一旦驟生而卽流血者也癰日久而膿
生膿欲淨而血出豈有不潰不膿而先出血者然左足之
屈則又何也蓋小腸與大腸不同小腸細而大腸寬寬者
可以容邪而細者難以容邪此必然之理也小腸受火煎
熬則腸中逼迫腸不能舒而左足應之暫屈而不伸但不

若生癰者長屈而不能伸也萬不可因足之不伸卽信是癰而妄用解毒之藥然則從何處辨之因其初痛之時辨其小便之有血無血耳初痛而足屈若小便無血乃是生癰初痛而足屈小便有血乃是火痛斷不差也治之法瀉其火邪不必化毒而痛止足伸矣方用小柴胡湯加味治之

柴胡 一錢

黃芩 三錢

甘草 一錢

茯苓 五錢

人參 一錢

半夏

一錢

水煎服一劑而足伸二劑而血止腸亦不痛矣

小柴胡湯非治小腸之藥也何以用之而效驗之捷如此

因小腸之火盛者起於肝胆之鬱也木鬱則火生不敢犯

心而犯小腸耳夫火性炎上今不上炎而反致下熾拂其

火之性矣此小腸所以受之而作疼也致於流血於小便
中者又是何故蓋小腸之血爲火所逼血惟恐爲火之燥
乾故越出小腸之外直走膀胱反使水道不行而流血也
小柴胡湯旣抒其肝胆之氣則火氣上炎其性旣順而不
逆又得茯苓以清消其水氣水流而血自歸經此方之所
以奇耳

無名腫毒門

人有頭面無端忽生小瘡癢甚第二日卽頭重如山第三
日面目青紫世人多不識此症此乃至危至惡之病苟不
速救數日之內必一身發青黑而死者青不至心胸者尙

可救療因其人素服房中熱藥熱極而便爲毒也凡人入
房而久戰不泄者雖氣主之而實火主之也氣旺而非火
濟之則不足以鼓動其興趣而博久戰之歡補氣之藥斷
不能舍參芪而求異味然而世人貪歡者多有吝惜者亦
正不少用熱藥以助火非多加人參不足以駕馭其猛烈
之威無如人參價高力難多備方士不得已遷就世人之
心乃少減人參則功力自薄反多加熱藥以壯其火如是
金石火燬之藥紛然雜用謂不如此不足以助其命門之
火也夫命門之火腎火也非真陰之水不養不同於脾胃
之火可以外水解之也且腎火旣旺則外勢剛強自然多

御女戎一取快樂偶爾縱慾亦復何傷無奈淫心無盡愈戰愈酣火熾則水乾火沸則水涸卽不頻泄其精水且不足以制火而熱毒有結於腸胃者矣况戰久則興必深未有不盡情而太泄者精泄過多則火且更旺未免陽易舉而再戰或歸咎於前藥之太少更多服以助其勢孰知藥益多而火益烈戰益頻水益燥乎久之水涸火炎陽雖易舉而不能久戰未免有忍精繾綣之時勉強而鬪精不化而變為毒結於陰之部位而成癰結於陽之部位而成毒頭上者正陽之部位也較生於陰之部位者更爲可畏非多用化毒之藥又安能起死爲生哉方用固生至聖丹

生甘草 五錢
金銀花 八兩
玄參 三兩
蒲公英 三兩
天花粉

三錢
川芎 一兩
水煎服一劑而頭輕青紫之色澹矣再服

二劑青紫之色盡消而瘡亦盡愈不必三劑也此方化毒而不耗其氣敗毒而不損其精所以建功甚奇也此毒原是水虧之極而瀉毒諸藥無不有損於陰陽惟金銀花補攻兼妙故必須此品爲君惟少用則味單而力薄多用則味重而力厚又加之玄參以去火甘草之瀉毒蒲公英之清熱天花粉之消痰川芎之散結自然相助而奏效也

一無名腫毒生於思慮不到之處而其勢凶惡有生死之關皆可以無名腫毒名之不必分上中下也前條止言頭

上而在身之前後左右與手足四肢尙未言也不知得其
治法無不可以通治失其治法則在上者不可治中在中
者不可治下在下者不可以治上中也得其治法者若何
大約上中下之生無名腫毒者多起於淫慾無度之人又
加之氣惱憂鬱火乘其有隙之處蘊藏結毒故一發而不
可救所以無名腫毒盡是陰症而絕無陽症也然則治之
法宜用解陰毒之藥矣惟是解陰毒之藥多半消鑠真陰
因虛而結毒復解毒而虧陰安有濟乎故無名腫毒往往
不救職是故也余得異人之傳仍於補陰之中以行其散
鬱之法可佐之解毒之品微助行經之味是以多收奇效

余不敢秘傳之書冊以救萬世之人也方用 玄參 一斤

柴胡 三錢 生甘草 一兩 三味煎湯十碗為主倘生於頭面

加 川芎 二兩 附子 二分 再煎汁取三碗分作二日服完

未破者即消已破者即生肌而自愈不必二劑也倘生於

身中前後左右加 當歸 二兩 甘菊花 一兩 附子 三分 亦

如前煎服倘生於手足四肢加 白朮 二兩 附子 五分 茯

苓 一兩 亦如前煎服無不收功此方名爲黑虎湯言其至

惡之人見黑虎而不寒心者幾人乎是惡毒得之盡散也

玄參最善退浮遊之火得甘草之助能解其迅速之威得

柴胡之輔能抒其抑鬱之氣且又有各引經之味引至結

碎登齊

毒之處大爲祛除妙在用至一斤則力量更大又妙是補
中去散則解陰毒而不傷陰氣所以奏功更神人勿驚其
藥料之重而不敢輕試深貞鐸一片慇懃救世之懷也若
些小輕症與非陰症瘡毒俱不必用此重劑又不可不知
耳

對口癰門

人有對口之後忽生小瘡先癢後痛隨至潰爛人以爲至
凶之癰也然而癰生於對口者猶輕而生於偏傍不勝對
口者尤重蓋頸項之上乃腎督之部位也其地屬陰所生
癰疽多是陰癰而非陽疽也陽疽必高突數寸其色紅腫

發光疼痛呼號若陰癰則不然色必黑黯痛亦不甚身體
沉重困倦欲卧呻吟無力其瘡口必不突起或現無數小
瘡口以眩世人不知從何處覓頭然而陰陽二毒皆可內
消何可令其皮破腫潰而後治之乎至於內消之法正不
須分辨陰陽惟既破潰膿陰陽不審而漫投藥餌則禍生
頃刻而內消之法大約止消三味名爲三星湯 金銀花
二兩 蒲公英一兩 生甘草三錢 水煎服二服卽便全消陽
症已破者仍以此方治之不三服必膿盡肉生若陰症大
潰者此方不可復投改用七聖湯 人參一兩 生黃芪一

兩 當歸一兩 金銀花二兩 白芥子三錢 肉桂一錢 白朮一

兩水煎服一劑而血止二劑而肉生三劑而口小四劑而皮合再服二劑全愈此方治名處癰毒凡低陷而不能收口者無不神效不止治對口之陰毒獨善收功也誠以陽症可以涼瀉而陰症必須溫補故耳

腦疽門

世有生癰疽於頭頂者始名腦疽若對口偏口俱非真正腦疽也此等之疽九死一生然治之得法俱可救也大約主此疽者皆腎火之沸騰也蓋腦爲髓海原通於腎腎無火則髓不能化精腎多火則髓亦不能化精豈特不能化精隨火之升降且化爲毒以生癰矣蓋腎之化精必得腦

中之氣以相化若腦中無非腎火勢必氣化爲火火性炎
上不及下降卽於腦中隨海自發其毒較之腦氣下流爲
毒者其毒更盛故往往有更變形容改換聲音瘡形紫黑
煩燥口乾隨飲隨渴甚至腦骨俱腐片片脫下其狼狽之
狀有不可言語形容者又將何以救之耶此等治法須問
其飲食如何倘飲食知味卽可用藥方用五聖湯救之

金銀花八兩 玄參三兩 黃芪四兩 麥冬三兩 人參二兩 水

煎服連服四劑其癰疽漸愈改用十全大補湯重四兩與

之又服四劑又改爲八味地黃湯恣其酣飲可獲全愈矣

是此等治療亦九死一生之法然舍吾法實無有第二法

矣人生此疽得於房術者居多興陽溢精都是金石燥烈之品或洗或嚼或噙於口或藏於臍霸阻情道久戰不已日積月累真陰枯灼髓渴火發遂潰頂門多致下救人何苦博婦女之歡喪千金之命長號於夜臺也

囊癰門

人有陰囊左右而生癰毒者名曰便毒生於囊之下糞門谷道之前名曰囊癰三處相較便毒易治而囊癰最難療也以囊之下爲懸癰其皮肉與他處不同蓋他處皮肉或橫生或直生俱易合口而懸癰之處橫中有直直中有橫一有損傷不易收功然而治之得法未嘗難也此等之癰

皆少年之人貪於酒色或遊花街而浪戰或入柳巷而角
歡忍精而鬪耐饑而交或已泄而重提其氣或將敗而再
鼓其陽或有毒之婦而輕於苟合或生瘡之妓而甘爲鬪
精往往多生此癰所謂欲洩不洩化爲膿血是也治之法
必須大補其虛而佐之化毒之味以毒因虛而成不治虛
得乎方用逐邪至神丹 金銀花 四兩 蒲公英 二兩 人參
五分 當歸 二兩 生甘草 一兩 大黃 五錢 天花粉 二錢 水煎
服一劑而毒消二劑而全愈潰者三劑可以收功矣此方
用金銀花四兩用蒲公英二兩佐之參歸大黃之大料未
免過於霸氣然而大虛之病又用大黃祛逐似乎非宜誰

知毒勢甚盛乘其初起之時正未甚衰大補大瀉之爲得乎倘因循失治或畏縮而不敢治及其流膿出血正氣盡索始用參芪補氣往往有用至數斤而尙未能復元何若早用於化毒之中正又無傷而毒又易散哉此因勢利導之法又不可不知也

人有飲燒酒入房精不能泄至夜半寒熱煩渴小便淋赤痰涎湧盛明日囊腫脹焮痛又明日囊處悉腐玉莖下面貼囊者亦腐人以爲酒毒也誰知是肝火得酒濕而肆虛乎夫酒濕何至作腐蓋火酒大熱之物也人過飲火酒多致醉死死後往往身體腐爛以火酒乃氣酒遇熱自焚人

身臟腑原自有火以火引火安得不炎燒耶飲火酒而入
房以鼓動精房之火宜是命門之火而非肝火也然而木
能生火肝屬木肝木生相火實理之常也入房而借火酒
之力則火勢必猛火動無根何能久乎勢必精欲外泄精
泄而火可解也無柰精欲泄而阻抑之則火無可泄之路
火無可依而火酒又無可解於是火入於肝將依母而自
歸也惟是相火內火也可附肝以爲家而酒火外火也反
得木而焚體囊與玉莖乃筋之會也筋屬肝因入房而火
聚於陰器之際故火發囊而腫囊腫極而莖亦腐矣治之
法解其酒毒而益之補氣補血之品則濕熱解而腐肉可

長矣方用救腐湯 人參 一兩 當歸 二兩 黃芪 二兩 白朮

一兩 茯苓 五錢 黃柏 三錢 薏仁 五錢 澤泄 三錢 白芍 一兩

葛根 三錢 炒梔子 三錢 水煎服四劑而腐肉脫而新肉生

再服四劑囊莖悉平復矣酒毒成於拂抑平肝泄火利濕
解毒宜也何以又用參芪歸朮以大補其氣血耶大凡氣
血盛者力能勝酒縱酣飲而無礙服火酒而腐勢雖成於
火酒之毒亦其氣血之衰力不能勝酒所以兩火相合遂
致焚身外腐苟不急補其氣血則酒毒難消而腐肉又何
以速長哉

臂癰門

人有兩臂之間忽然生瘡而變成癰疽者亦陰癰也雖較頭而對口肩背上少輕然治之不得法亦能殺人故須辨陰陽治之大約痛者陽症易治癢者陰症難治也陽症用三星湯一二劑便可立消若陰症三星湯又不可用必須大補氣血而佐之消痰化毒之劑始能奏功不可謂手足非腹心之疾不須補虛也夫陰主靜而兩手則至動者也至動而生陰癰則動變爲靜矣反常之道也不可畏乎況動變爲靜又趨陰之道也陽趨於陰非生近於死乎欲陽返於陰則易欲陰還於陽則難誰謂兩平之癰而可小視之哉治之法仍宜慎重方用消癰還陽丹

人參 三錢 白

米一兩 生甘草三錢 天花粉三錢 生黃芪一兩 金銀花二

兩 肉桂一錢 當歸五錢 乳香末一錢 水煎服一劑而癢變

爲痛矣二劑而痛如失三劑而全消不必四劑也此方與
七賢湯相同而意義各異七賢湯治已潰者也此方治未
潰者也已潰者以生肉爲先未潰者以護饑爲主所以七
賢湯內無乳香天花粉者正以二味攻中有擁衛之功耳

乳癰門

人有乳上生癰先痛後腫尋發寒熱變成瘍癰此等之症
男婦俱有之而婦人居多蓋婦人生子兒食乳之後偶爾
貪睡兒以口氣吹之使乳內之氣閉塞不通遂至生痛此

時卽以解散之藥治之隨手而愈倘因循失治而乳癰之
症成矣若男人則不然乃陽明胃火熾盛不上騰於口舌
而中壅於乳房乃生此病故乳癰之症陽症也不比他癰
有陰有陽所以無容分陰陽爲治法但當別先後爲虛實
耳蓋乳癰初起多實邪久經潰爛爲正虛也雖然邪之有
餘仍是正之不足於補中散邪亦萬全之道正不必分先
宜攻而後宜補也方用和乳湯 貝母 三錢 天花粉 三錢
當歸 一兩 蒲公英 一兩 生甘草 二錢 穿山甲 土炒一片爲
末 水煎服一劑而乳房通腫亦消矣不必二劑也此方用
貝母天花粉者消胃中之壅痰也痰壅而乳房之氣不通

化其痰則胃火失其勢而後以蒲公英穿山甲解其熱毒利其關竅自然不攻而自散矣又恐前藥過於迅逐加入當歸甘草補正和解正既無傷而邪又退舍何至藥毒不行而變爲乳岩之病哉

人有先生乳癰雖已收口後因不慎房幃以致復行潰爛變成乳岩現成無數小瘡口如管非管如漏非漏竟成蜂窠之狀肉向外生終年累月而不愈服敗毒之藥身愈狼狽而瘡口更加腐爛人以爲毒深結於乳房也誰知是氣血之大虧乎凡人乳房肉向外長而筋束於乳頭故傷乳卽傷筋也此處生癰原須急散遲則有筋弛難長之虞况

又加泄精以損傷元氣安得不變出非常乎當時失精之
後卽大用補精填髓之藥尙不至如此之橫旣因虛而成
岩復見岩而敗毒不已虛而益虛乎母怪愈敗而愈壞也
治之法必須大補其氣血以生其精不必再消其毒以其
病原無毒之可泄耳方用化岩湯 人參 一錢 白朮 二兩
黃芪 一兩 當歸 一兩 忍冬藤 一兩 茜根 二錢 白芥子 二錢
茯苓 三錢 水煎服連服二劑而生肉紅潤再服二劑而膿
盡痛止再服二劑而漏管重長再服二劑全愈再服二劑
不再發也此方全去補氣補血不去消毒實爲有見雖忍
冬藤乃消毒之味然其性亦補况同入於補藥之中彼亦

純乎補矣惟是失精以致變若似宜補精乃不補精而止
補氣血何也蓋精不可以速生補精之功甚緩不若補其
氣血轉易生精且乳房屬陽明之經既生乳癰則陽明之
經未必能多氣多血矣補其氣血則陽明之經旺自能生
津生液以灌注於乳房又何必復補其精以牽掣參芪之
功乎此方中所以不用填精之味也

人有左乳內忽大如桃復又不痛色亦不赤身體發熱形
漸瘦損人以爲痰氣之鬱結也誰知是肝氣之不舒乎大
乳屬陽明乳腫宜責之陽明胃經而余獨謂之肝病不起
世人之疑乎然陽明胃土最畏肝木之尅肝氣不舒而胃

氣亦不敢舒矣蓋胃見肝木之鬱惟恐肝旺來尅於是胃
 亦畏首畏尾伏而不揚況乳又近於兩脇而兩脇正肝之
 部位也與肝相遠尙退縮而不敢舒與肝爲隣亦何敢恣
 肆而吐氣哉氣不舒而腫滿之形成氣不能舒而畏懼之
 色現不痛不赤正顯其畏懼也治之法不必治陽明之胃
 也治肝而腫自消矣方用逍遙散加味治之 柴胡二錢
 白芍五錢 當歸二錢 陳皮五分 甘草一錢 白朮三錢 茯苓
三錢 人參一錢 川芎一錢 瓜婁三錢 半夏三錢 水煎服十
 劑而內消矣去瓜婁再服十劑不再發逍遙最解肝氣之
 滯肝氣解而胃氣不解而自舒況益之瓜婁半夏專能治

胸中之積痰痰去而腫光易消也

婦人產後忽兩乳細小下垂過小腹痛甚人以爲乳懸誰知是胃血之燥乎夫胃爲水穀之海多氣多血之府也產後亡血過多則胃中空虛而飲食又不能遽進卽進飲食而各臟腑取結於胃甚急則胃氣困矣胃氣困而胃血益燥矣胃氣益燥無以解各臟腑之紛爭而子又索母之乳內外取資胃無以應乳房者胃之外廓也乳頭者胃之門戶也胃苦內之紛爭欲避出於外而不可得而外又不免於兒口之吮嘔細小下垂以至於腹有逃遁難藏入地無路之狀此倒懸切膚之痛至危之痛也治之法急救其胃

氣而益之補血之味則胃氣生而胃不燥內足以紛給於
臟腑又何至外痛而倒懸哉方用解懸湯 人參 一錢當
歸 四兩 川芎 二兩 荊芥 三錢 益母草 三錢 麥冬 一兩 炮姜
一錢 水煎服四劑而乳頭收再四劑全愈此方用人參生
胃氣於無何有之鄉用當歸川芎於乘危至急之地用荊
芥益母草以分解各臟腑以歸其經絡用麥冬炮姜者因
陽明胃經之燥未免火動而炎燒產後不便大用寒涼故
用麥冬微涼之品少解其火勢之烈也

肚癰門

人有生癰於小腹之間者斷無陽症以其地屬陰之部位

也陰生陰毒似乎至重然而純陰無陽一用陽藥立可成
 陰無奈世人一見肚腹生癰多用陰藥以消毒反至成難
 秋之病為可憫也然而余所謂陽藥者非散火祛風之藥
 太補氣溫火之味耳蓋陰地結成陰毒者乃寒虛之故寒
 因虛而不行毒因寒而相結用熱藥以祛寒自能解寒因
 散毒也方用辟寒救腹丹 白朮三兩 茯苓二錢 肉桂三錢
 金銀花三兩 附子一錢 當歸二兩 蛇床子五錢 水煎服
 一劑而內消矣倘已潰者三劑而膿盡肉生矣四劑亦必
 全愈此方用白朮為君者以白朮專利腰膈之氣也腰膈
 之利氣則下腹之部位盡利矣而後以金銀花蛇床子祛

其毒氣則毒氣易消然恐寒極不能直入故又加附桂斬關突圍而進也惟是桂附木床俱是一派乾燥之物邪雖祛除未免耗血故用當歸陽中之陰少制其橫則陰寒盡散而無陽旺之虞所以既能奏功纔免後患也

多骨癰門

人有大腿之邊傍長強穴間忽然疼痛高腫變成癰疽之毒久則肉中生骨以鐵鉗取出已而又生世人以爲多骨癰也誰知是濕熱毒之所犯乎夫多骨癰之生因人多食生菓濕熱所成者也治之早一二劑便可解散無如因循失治與治之不得法遂至濕壅而添熱熱盛而化骨日久

遷延卧床而不能起也說者謂初起之時未嘗有骨可以
內散既生骨之後必須爛骨外取末可全恃內藥望其解
散也而孰知不然蓋多骨之疽無形之所化非肉中真生
骨也乃似骨而非骨耳真骨難化似骨又何難化之有治
之法利其濕清其熱而主之補氣補血之藥不必消骨而
骨自消矣方用五神湯 茯苓 一兩 車前子 一兩 金銀花
三兩 牛膝 五錢 紫花地丁 一兩 水煎服一劑輕二劑又輕
三劑而骨消矣四劑而瘡口平五劑全愈以方用茯苓車
前以利濕用紫花地丁以清熱又有金銀花牛膝補中散
毒安得不奏功如神哉

惡疽門

人有四肢之間或頭面之上忽然生疽頭黑皮紫疼痛異常此陽症之毒也治之不得法亦能殺人蓋陽症之毒其勢甚驟不亟用散毒之藥則養成火橫蔓衍難收譬如盜賊初起未免苟合易擊久則隄防牢固巢穴日大非朝夕可破也世人每以生疽甚小不比生癰之大往往輕視不急醫療誰知小毒變成大毒乎然而疽與癰實有不同癰潰於內而疽腫於外也潰於內者難於外治腫於外者易於內消雖癰疽之毒盡由內而外發無不可治內而外愈而疽病尤宜內治也方用消疽散

生地三錢
連翹三錢

忍冬藤一兩 白芷二錢 夏枯草一兩 地榆三錢 天花粉三

錢 生甘草二錢 當歸一兩 水煎服未潰者二劑即消已潰

者四劑全愈此方乃通治惡疽之方凡有生疽者以此方
投之無不神效蓋補血以散毒則活血而毒難留涼血以
清火則血寒而火易散疽多陽症所以治之無不宜也

疔瘡門

人有生疔瘡者一時間疼痛非常亦陽毒也但初生之間
人最難辨世人以生黃豆令病人口嚼不知辛臭便是疔
瘡以此辨之不錯其瘡頭必發黃泡中或現紫黑之色更
須細看泡中必有紅白一線通出於泡外大約疔生足上

紅線由足而入臍疔生手上紅線由手而走心疔生唇面
紅線由唇面而至喉如見此紅線之絲於其紅線盡處用
縫衣針刺出毒血則免毒攻心若現白線之絲則不必刺
也治法總以消毒瀉火爲主世人戒用官料之藥此不知
醫之語毒非藥安祛哉方用拔疔散 紫花地丁一兩甘
菊花一兩 水煎服一劑而紅絲除二劑而疔毒散三劑全
愈又何必外治挑開疔頭之多事哉若已潰爛亦用此方
但加當歸二兩治之亦不必四劑毒盡而肉生也

楊梅瘡門

人有嫖心愛之妓戀鑪酣戰自覺馬口間如針戳之痛此

毒氣已過也未幾而生魚口矣未幾而生疔瘡矣又未幾而遍身亦生瘡矣黃膿泛濫臭腐不堪世人皆以爲毒盛多用敗毒之藥誰知是敗毒而毒盛瘡愈多而不易愈往往有腐爛而死者實可傷也蓋楊梅之毒每中於泄精之時泄精則元氣虧損故毒乘虛而入若元氣大旺毒難深入卽有傳染不過輕微之毒可一瀉而愈今遍身無非毒瘡明是大虛而毒深中也不補虛以瀉毒烏能奏功乎倘止服敗毒之藥無異下石矣方用二生湯 生黃芪 三兩

土茯苓

三兩

生甘草

三錢

水煎服

連服四劑

而瘡漸紅活

再服四劑而盡乾燥又服四劑全愈此方之妙全不去解

毒止用黃芪以補氣氣旺而邪自難留得生甘草之化毒
得土茯苓之引毒毒去而正又無虧氣生而血又能養此
治法之巧而無如世人之未識也可勝嘆息云

人有龜頭忽生疔毒服敗毒之藥毒盡從大小便出倘大
腸燥結則敗毒之藥不能經走大腸勢必盡趨小便而出
矣而小便口細毒難罄泄於是毒不留於腸中而反單結
於外勢毒盛必發安能不腐爛哉往往龜頭爛落連龜身
而亦爛去矣世人多以外藥敷之雖外藥亦不可少然不
先消其火毒而遽用外藥以止遏不啻如石之壓草也故
必先用湯治之方名散毒神丹

黃柏三錢
茯苓一兩
生

甘草 三錢 炒梔子 三錢 肉桂 一分 水煎服連服四劑則火

毒自從小便而出疼痛少止然後用生勢丹敷之 黃柏

炒三兩 兒茶 一兩 冰片 三分 生甘草 一兩 大黃 三錢 乳香

一錢 沒藥 一錢 射香 三分 丹砂 一錢 不可火煨各為絕細

末和勻滲之滲上即止痛逢濕即滲末不須數日膿盡血

乾肉筋再長一月全愈但不能再長龜頭也愈後須補氣

血用十全大補湯連服一月或兩月則外勢仍能伸縮尚

可種子否則多服敗毒之藥又用瀉火之劑無論命門寒

冷而外勢亦且冰凍安得陽和之驟復哉此前從治法之

各異實有次序也

人有疔瘡初發魚口將生苟不急治必徧身生瘡遷延歲月腐爛身體多不可救故必須早治爲妙然而早治之法世人多以五虎散敗毒雖毒亦能從下泄而損傷元氣正多也未爲得法設或敗毒之藥少減又恐有留毒之虞亦非治法之妙蓋毒氣之入因元氣之虛也因虛而感毒又敗毒而重虛毋論毒盡下泄已犯虛虛之戒況已敗毒毒更難散乎治之法宜於補中攻瀉則毒旣盡出而正又無

虧方用早奪湯

人參一兩

生黃芪一兩

茯苓一兩

當歸

一兩

一兩 遠志

三錢

生甘草

三錢

金銀花

一兩

大黃

一兩 石膏

一兩 柴胡

二錢

白朮

一兩

天花粉

三錢

水煎服一劑而大

瀉惡物臭穢不堪急拙土埋之再服二劑而臭穢惡物無
留於腸胃矣然後減去大黃石膏加土茯苓二兩同煎藥
再煎服四劑則一身上下與頭面之間必有隱隱瘡影現
於皮膚之內再服二劑而瘡影亦盡消矣再服二劑永不
生瘡矣此方用大黃以瀉毒用石膏以清毒用甘草金銀
花以化毒用柴胡天花粉以散毒非多佐之以大補氣血
之藥未免將軍過勇士卒強健統領大軍斬殺無遺則四
野蕭條元氣難復妙在用參芪歸朮之類以至仁佐至勇
則戰撫兼施軍聲更振前途倒戈自獲全勝少少祛除賊
化爲民豈至民變爲盜哉此等之方實有益於風流子弟

不淺余實以親視爲親驗者也顧醫人病人皆留意於此方云倘病人陰虛陽燥方中可加熟地數兩或加玄參一兩亦可餘品亦不可亂加也

人有遍身生楊梅之瘡因慢服輕粉一時收斂以圖目前遮飾誰知毒藏於內必然外潰未幾而毒發於鼻自覺一裏臭氣冲鼻而出第二日鼻色變黑不聞香臭矣此等見症斷須急治否則鼻柱自傾一至腐爛便不可救雖然卽急治矣而用些小之劑亦止無益蓋毒勢甚盛非杯水可濟也况楊梅結毒不結於他處而結於鼻中其毒更勝以毒不在他臟而在肺經也肺主氣者主清氣也毒氣非清

氣可比毒氣在肺則清氣盡為毒氣矣肺氣出於鼻而藏於腎腎感毒氣移之於肺以散於皮膚則氣氣可以外出今用輕粉收斂則毒發皮膚者盡歸還肺中肺欲歸還於腎而腎不受乃上冲於鼻矣而鼻孔細小安得遞泄乎自然毒氣盡結於鼻而鼻乃獨受其禍矣治之法必須多藥以解其毒者以肺經不能直治必隔一隔二以治之也方

用護鼻散

立參

三兩

麥冬

二兩

生丹砂末

三錢

生甘草

一兩

桔梗

五錢

金銀花

三兩

天花粉

三錢

水煎調丹硃末

服一劑而鼻知香鼻矣連服四劑耳方用二苓化毒湯

白茯苓

一兩

土茯苓

二兩

金銀花

二兩

當歸

一兩

紫葳

二兩

錢
生甘草二錢 水酒各半煎服十劑全愈并無回毒也此
方視之平澹無奇而實有異功者補以瀉之也楊梅瘡本
生於腎之虛腎虛則血虛矣不補虛以治瘡反瀉毒以耗
血此世人治楊梅之瘡所以多不效耳

腰疽門

人有腰眼之間忽長疽毒疼痛呼號似乎陽症然而腰腎
乃至陰之地未可作陽疽治之若竟作陽症視之又不可
也此症雖本於過忍其精欲泄不泄以成斯毒似乎純是
陰分之過但腰間雖去肉腎不遠火發而毒成則陰中有
陽未可純以陰症治之也必須合陰陽并治以化其毒則

毒去如掃倘不補陰而竟治其毒則腎氣愈傷而毒難速
化卽補陰而不補陽則陰無陽不生毒且深藏於腎宮而
不得外泄矣方用兩治散 白朮一兩 杜仲一兩 當歸一
兩 金銀花三兩 防己一錢 菴蓂草三錢 水煎服一劑而痛
輕二劑而痛止三劑全愈此方用白朮杜仲以利其腰膂
氣通而毒自難結也又得金銀花當歸之類補中有散而
防己菴蓂直入腎宮以祛逐濕熱之毒陰陽無偏勝之虞
邪正有解粉之妙自然一二劑成功非漫然僥倖也

擊疽門

人有手心之中忽然紅腫高突變成一疽疼痛非常晝夜

無間世人所謂擎疽也人生此疽多是冤家債主相尋內
外治療往往不能收攻有流血而死者似乎不必治之也
然而有病無方又何見吾道之大乎苟肯懺悔於臨時怨
艾於將死安在不可救乎況此疽之生雖是冤孽亦因病
人有火熱之毒乘機而竊發也故消其火熱之毒何不可
奏功耶惟是火熱非起於一朝而解毒難憑於小劑蓋毒
起於熱而熱起於火火之有餘終是水之不足不大料以
滋水惟小劑以滅火安得取勝乎治之法必須大用補水
之劑而少佐解毒之味則擎疽自愈耳方用釋擎湯 玄

參二兩

生地一兩

金銀花二兩

當歸一兩

紫紅地丁五錢

貝母二錢 水煎服一劑痛輕二劑痛止已潰者再服四劑
未潰者再服一劑無不全愈愈後仍須懺悔則無後患苟
遷善不誠改過不勇未必不變生他病非此方之過也若
論此方滋水以治火補正以解毒自居於無過之地又何
擬議哉

脚疽門

人有脚指之頭忽先發癢已而作痛指甲現黑色第二日
脚指俱黑三日連足面俱黑黑至脚上逕經卽死此乃無
名腫毒得之多服春藥是火熱之毒非脚疽可比若脚疽
止黑在脚指而不黑在脚面也然脚疽最凶雖不如無名

腫毒之橫而速而殺人則一也蓋脚爲四餘之末宜毒之所不到何以反凶惡至此正以毒所不到之處而聚毒不散反出於指甲之間則毒盛非常而治之轉不可輕視然則用泄毒之藥順治之可矣而孰知不然人身之氣血周流於上下則毒斷不聚於一處惟氣血大虧不能徧行夫經絡而火毒惡邪乃團結於骨節之際脚疽之生正氣血之虧不能周到之故然則烏可單瀉其毒以重虛其氣血乎治之法必須大補氣血而加之泄毒之味則全勝之道也方用顧步湯 牛膝一兩 金釵石斛一兩 人參一錢 黃芪一兩 當歸一兩 金銀花三兩 水煎服一劑而黑色解二

劑疼痛止三劑全愈若已潰爛多服數劑無不愈也此方
用金銀花以解毒非用牛膝石斛則不能直達於足指非
用人參歸芪亦不能氣血周流使氣通血活以散毒也故
用此方治脚疽多效卽是無名腫毒用此方救之亦可得
生世醫有用刀切去脚指亦是治之法然又不若急用此
方於補中敗毒轉死爲生旣無痛楚之傷又有全活之妙
也

人有脚腿之上忽然腫起一塊其色如常復又不痛人以
爲癰疽也誰知是氣虛之故耳夫癰成於腫未有腫而不
變爲癰者余獨謂氣虛而非癰人誰信之嗟乎氣所以行

血者也氣行則血行氣血双行總有邪氣斷難成腫彼邪
 氣之盛每成於氣血之衰其腫為癰每每作痛而色必變
 為紅赤也今既不痛而色又不變是有腫之名而無腫之
 實純是氣虛而無血無以養非邪盛而氣不能鼓也治之
 法補氣以扶正不必化毒以祛邪方用補中益氣湯 人
 參一錢 白朮一兩 生黃芪一兩 當歸五錢 柴胡一錢 升麻
 五分 陳皮一錢 生甘草二錢 半夏二錢 茯苓三錢 水煎服

十劑而腫暗消補中益氣湯補氣之勝藥非消腫之神劑
 何以用之而腫消耶蓋真氣奪則虛邪氣勝則實真氣既
 虛邪氣必勝不用補氣之藥氣何以行而腫何以化耶補

中益氣湯善能補氣所以卽能消腫也况又益之消痰去濕之品乎故更易收功耳

鬚疔門

人有兩鬚之中忽然紅腫生疽高突數寸頭面眼鼻俱浮其狀不堪異乎平常相貌此陽毒也蓋兩鬚近於太陽乃陽之位也陰氣不能到此地位故兩鬚生疽當作陽症治之然是陽症往往有變爲陰症者所以陽藥中必宜加入陰分之藥以預防其變若已潰破腐爛更須陰藥多於陽藥消息而善治之也今有一方名曰埋鬚湯治未潰已潰未爛已爛無不收功方用

金銀花 三兩
白芷 三錢
川芎

一兩當歸一兩夏枯草三錢水煎服未潰者二劑卽消已
爛者四劑全愈此方用金銀花夏枯草以解火毒用白芷
川芎以引入兩鬢太陽之間則金銀花夏枯草更得施其
祛逐之功又妙在當歸之補氣血陰陽双益正足而邪自
難變安得不速愈哉

唇疔門

人有唇上生疔瘡者或在口角之旁或在上下唇之際不
必論其大小大約皆脾胃之火毒也最宜速散否則毒氣
熾炎必且艱於飲食往往有腐爛而死者以疔毒愈小而
毒愈積也治之法宜急瀉其火毒而又不可損傷天脾胃

之氣則毒不難散矣方用救唇湯 紫花地丁 一兩 金銀

花 一兩 白菜 二十個 桔梗 三錢 生甘草 三錢 知母 一錢 水

煎服一劑而疼痛止二劑瘡口消三劑全愈若已腐爛者

五劑自然奏功此方治頭面上之疔瘡俱可獲效而治口

唇之疔反能建績此方有白菜桔梗善及唇口引金銀花

紫花地丁至於生疔之處以盡解其毒也

癩癧門

人有生痰魄於頸項堅硬如石久則變成癩癧流膿血

一塊未消一塊復長未幾文瀆或耳下或缺盆或肩膊上脇

下有流行出走之狀故名鼠瘡又名串瘡言其如鼠之能

穿也世人爲其食鼠竊餘物以成此症而不盡然也蓋癩
 癧之症多起於痰而痰塊之生多起於鬱未有不鬱而能
 生痰亦未有無痰而能成癩癧者也故治癩之瘡必須以
 開鬱爲主然鬱久則氣血必耗况流膿流血則血氣更虧
 徒消其痰不解其鬱但開其鬱而化其痰皆虛其虛也不
 能奏功方用消痞丹 白芍白朮各 一兩 柴胡二錢 天花
 粉 二錢 茯苓 五錢 陳皮 一錢 附子 一片 甘草 一錢 蒲公英
 三錢 紫貝天葵 五錢 水煎服連服八劑而痰塊漸消再服
 十劑而癩癧盡化再服一月全愈愈后可服六君子湯以
 爲善后之計斷不再發也此方妙在蒲公英爲紫貝天葵

爲消疝之神藥然非佐之以白芍柴胡則肝木不平非輔之以白朮茯苓則脾胃之土不健又何勝攻痰破塊之烈哉惟兼攻有補則調劑咸宜得附子之力以引群藥直趨中門所以能愈夙疾沉痾於旦夕耳

人有久生瘰癧兩頸之間盡多潰爛下且及於胸膈之上無非痰塊已有頭破欲瘡者次遂至身體發熱發寒肌肉消瘦飲食少思盜汗自汗驚悸恍惚此等之症原自難醫然而治之得法正非不可救也大約瘰癧初起宜解鬱爲先而佐之補虛以消其毒也倘執尋常治法以祛痰敗毒爲事鮮不速之死矣方用轉敗丹 人參一錢 柴胡二錢

白芍 三兩 金銀花 三兩 當歸 二兩 半夏 五錢 白米 一兩 生

甘草 三錢 水煎服四劑而胸間之痰塊盡消再服四劑而

頸上潰爛亦愈將煎方減半再服十劑瘡口悉平不再發

也此方補多於消而開鬱滯於中化痰存其內世人從未

知有此治法者但一味攻毒所以愈攻而愈壞也曷不以

此方試之哉殺運無窮神方難信世見此等治法罔不驚

走辟易否則且有譏刺訕笑謫吾方之過奇謂大言無慚

何可爲訓誰知實是却病之仙丹奪命之異藥哉余不勝

掩卷而三嘆也

痔漏門

人有肛門內外疔毒忽然生長紅癰先癢后痛後成爲痔
日久不愈此等之病皆濕熱所成也而得之縱飲者爲多
江南人半生此症正因地氣之濕熱又加酒熱之毒所以
結成於肛門之邊而不能遞化也夫肛門通於大腸凡有
濕熱亦隨大便而出何故積而成痔以濕熱在大腸不能
久留勢必盡趨於肛門而肛門爲大腸竇論未免有關閉
防範之意不容濕熱直出於門外於是蓄積既久而濕熱
之毒肛門獨受之矣有毒必然外形不生痔於肛門之內
必生痔於肛門之外雖內外似乎少殊而作楚則一也然
則治之法烏能舍濕熱而他求乎惟是肛門去脾胃甚遠

化濕熱之毒不能不假道於脾胃肛門未必受益而脾胃
先損所以無成功耳故用藥必須無損於脾胃而有利於
肛門者治之姑克奏功方用益后湯 茯苓一兩 白芍一

兩 地榆三錢 穿山甲 一片上炒爲末 山藥一兩 薏仁一兩

水煎服連服四劑而肛門寬快矣又服四劑而內外之痔
盡消再將前方每味加增十倍修合丸散以蜜爲丸每日
未飲之先滾水送下五錢服一料完自然全愈不再發也
此方利水去熱既無傷於脾胃復有益於肛門蓋兩得之
道也

人有於肛門邊先生小瘡毒因不慎酒色遂致腐爛變成

漏瘡不能收口後長生肉管每歲一管流膿流水甚以爲苦世人治法多用刀針掛線徒受苦楚而內毒未除外口難長經年累月艱以奏功豈果漏瘡而終不可治乎亦酒色之戒不嚴而治之不得法也蓋肛門之肉不比他處之肉肛門之皮亦不比他處之皮也他處之皮肉非橫生則縱生也惟肛門之皮肉有縱有橫最難生合況大便不時出入又易傷損一經刀鍼掛線是已傷而又傷矣又何能遞長皮肉乎故刀鍼掛線切戒輕用惟消其濕熱之毒內治爲佳然而漏卮旣久氣血必虛不治其虛而止從事止漏毋論漏不可止而氣血反傷終難奏效也方於補中用

消則何漏之不可痊哉方用青龜丸 烏龜一個 茯苓五

兩 薏仁六兩 羊蹄後爪四付 穿山甲五錢俱用土炒 人參

一錢 青苔乾者一兩 黃芪八兩 當歸三兩 瓦松一條陰乾

不可火焙 白芷一兩 槐米一兩 各為細末將龜用石臼搗

死用藥末拌之飯鍋內蒸熟將烏龜肉與甲火焙乾為末

同前藥蜜為丸每日服三錢服至一月而漏瘡乾服至二

月漏瘡滿服完全愈不再發但服藥時必須獨宿戒酒色

三月倘服藥而不斷酒色不能奏功不可不慎此方治漏

實有神功非世上之方可比有不可思議之妙雖去濕而

復不散氣然敗毒而又不損血補破於無形填隙於有孔

願人敬服此方堅守三月之戒以去十年之病也

人有大便之候先射血幾許而後溺糞者人以爲便血之病也誰知其頭門暗生血痔乎失痔久必變爲漏宜流膿水矣不知受病不同而見症亦異此等之症多得之飲燒酒過多熱毒走於直腸而不得遽泄乃結成小痔而不化久則皮破而血出此血乃出於直腸之外而非出於直腸之中乃膀胱之血也夫膀胱化氣而不化血酒毒滲入膀胱將酒氣化水出於陰器而酒毒燥血不能從陰器而出勢不得不趨大腸肛門而出矣無柰門徑各別戶口窄門無可出之路而酒毒結於直腸之外毒向內攻而直腸之

痔生矣痔生必破有隙可乘而膀胱之血注之久且以血
 引血不獨膀胱之血盡歸之也乘大便秘之開關血先奪門
 而出故先大便秘而射正見其欲出之速耳治之法似宜急
 堵其隙使血之無路為第一策然而私竇既開漏卮易洩
 不亟清其上游之源而但截其下流之隙非計之善也方
 用清源散 黃連三錢 茯苓五錢 白芍五錢 葛根三錢 白
 芷二分 槐花三錢 地榆三錢 人參一錢 川山甲土炒末一
 錢 白木五錢 車前子二錢 三七根末三錢 水煎調末服三
 劑血較前更多三劑後減去黃連再用三劑血止而痔愈
 矣愈後必須斷酒終身不可服也若女色禁忌三月永不

再發倘不能導禁不必爲之治療必先說過而後醫也此
方妙在用黃連之多以解酒熱之毒所謂先清其源也上
游無病而下流自然安瀾泥諸藥又分配得宜無非去濕
化熱之味堵截有方故慶平成又何患洪水之冲決哉

人有胸間生瘡因不慎酒色遂至成漏竅長數頭長流血
液久則形人因憊腰痛難伸行同偃僕人以爲心漏也誰
知是腎虛而成漏乎夫心腎本相通也心之氣必得腎之
氣以相生腎之氣必得心之氣以相閉心漏之成成於腎
氣之泄也欲心漏之愈安可不急治其腎氣之衰乎然而
治腎而心之氣不閉則補腎與不補正同蓋有出氣而無

止氣耳或謂凡漏瘡多成於濕熱但補腎而不堅心之竅則漏不能愈閉心之竅而不去其濕熱而但治其心腎恐漏亦不能愈也雖然漏亦不同也漏在他處者可泄其濕熱而漏在胸間者不可泄其濕熱也蓋心漏成於腎虛腎虛則寒而非熱也腎虛者腎水虛而非邪水盛也治之法補其真陰而邪水自消溫其腎寒而邪熱自退方用溫腎丹

鹿茸

二個附子

二個青鹽

二兩人參

一錢

瓦礫 二枚

紅棗

四兩

各為末棗煮熟搗為丸每日空心酒下三十丸

服半月而腰痛減服月餘而心漏愈矣此方之奇全在鹿茸既能益腎中之水火而更能補心中之缺陷又助之附

子之辛熱則無經不達引鹿茸直入於心腎以填補其空
竅加青鹽者鹹以軟堅也蓋漏瘡必生竅孔故流血亦多
血得鹽則止而不流也瓦礫者消濕熱於無形雖心漏非
濕熱之病然未免少有留存則孔竅難塞故兼用之以防
其變誠恐氣虛不能運化更益於人參生氣於心腎之間
助茸附之力通達於上下尤易成功也

頑瘡門

人有久生惡瘡或在手足或在胸背或在頭面終年經歲
而不愈臭腐不堪百藥罔効外藥敷之不應內藥服之無
功世人所謂頑瘡也言其冥頑不靈有無可如何之勢醫

工無所施其力也果瘡之頑極真不可治之乎亦治之未
得其妙耳人身氣血和斷不生瘡卽間或生瘡尋卽速愈
是生瘡乃氣血之不和也其不和者或因濕侵或因熱感
或因濕熱寒邪之交至遂至氣結而不宣血滯而散結於
皮而皮生瘡結於肉而肉生瘡矣久則膿血不淨因而生
虫人以爲虫也又用殺虫之藥而反傷其皮肉則氣血愈
虛力難兼到棄皮肉於膜外而不顧則瘡成爲冥頑不靈
之患矣故治瘡皆以行氣活血爲主而虫與毒不必計也
然而血不易活而氣不易行非補氣補血不可蓋氣得補
而氣自行於週身血得補而血自活於遍體也方用救頑

湯 當歸一兩 黃芪一兩 白朮一兩 生甘草二錢 熟地一

兩 山茱萸五錢 麥冬一兩 柴胡一錢 茯苓五錢 半夏二錢

防風一錢 連翹一錢 附子一片 水煎服連服二劑而瘡口

必然發腫斷不可惧從前無效今服藥發腫乃藥助氣血

與瘡相戰也乃速愈之機再服二劑不痛而癢矣再服二

劑不再發此方單去活血行氣得補之力也氣行血活虫

將安寄故不必殺虫而頑瘡盡愈矣

人有內股生瘡歛如豆許翻出肉一塊宛如菌狀人以爲

虫蝕外翻也誰知是肝經風熱血燥之故乎夫肝熱則生

風此風乃內風而非風也外風清涼而內風蘊熱故外風

宜散而內風宜清然但清其風而不補其血則熱不可解而風不可舒也必須養血之中而益之清熱之劑則燥不能燥熱退而風自靜矣方用清風湯 白芍一兩人參一

錢當歸五錢 白朮三錢 炒梔子三錢 甘草一錢 川芎二錢

丹皮三錢 沙參三錢 柴胡一錢 天花粉三錢 連翹一錢 水

煎服一連數劑瘡口自斂此方滋血以養肝非消肉以化毒然何以瘡斂而愈也蓋瘡成於肝木之旺平肝而血無過燥之害自然風散而熱無炎燒之禍矣苟不平肝而內用降火之品外用退蝕之法則蝕而又翻翻而又蝕其肉益火而氣愈虛變出非常正難救援耳

接骨門

人有跌傷骨折必須杉木或杉板將已折之骨湊合端正
用繩縛住不可偏斜歪曲緊緊又用布紮無使動搖萬不
可因呼號疼痛心軟而少致輕鬆反致害事收拾停當然
後用內服之藥苟或皮破血出猶須用外治之藥也但骨
內折而外邊之皮不傷正不必用外治之藥然內外夾攻
未嘗不更佳耳內治之法必須先活血去瘀爲先血不活
則瘀不能去瘀不去則骨不能接也方用續骨神丹 當
歸二兩 大黃五錢 生地一兩 敗龜板一兩爲末 丹皮三錢
續斷三錢 牛膝二錢 乳香末二錢 沒藥末二錢 桃仁三十

個羊躑躅一錢 紅花二錢 白芍一兩 水煎服二劑而瘀血

散新血長骨即長矣再服二劑去大黃又服四劑則全

愈矣外治之法必須用膏藥而加之末藥滲於傷處為妙

膏名全體神膏 當歸二兩 生地二兩 續斷一兩 牛膝一

兩 甘草五錢 地榆一錢 茜草一兩 小薊一兩 木瓜一兩 杏

仁三錢 去皮 人參一兩 皂角三錢 川芎一兩 劉寄奴一兩

桑木枝四兩 紅花二兩 白朮一兩 黃芪一兩 柴胡三錢 荆

芥三錢 用麻油三斤 熬數沸用麻布瀝去渣再煎滴水成

珠加入黃丹末水漂過一斤四兩收為膏不可太老再用

乳香三錢 沒藥三錢 自然銅醋焯燒七次三錢 花蕊石

薛登奇聞 卷十 三

三錢 麒麟竭 五錢 白蠟 一兩 海螵蛸 三兩 爲細末乘膏藥

未冷時投於膏中用桑木棍攪勻取起以瓦器盛之臨時

火煨攤膏大約膏須重一兩既攤膏藥再入細藥名爲勝

金丹 射香 三錢 血竭 三兩 古石灰 二兩 海螵蛸 一兩 自

然銅末如前製一錢 乳香 一兩 沒藥 一兩 花蕊石 三錢 冰

片 一錢 樟腦 一兩 土狗 十個 地蝨乾者 一錢 土鯨乾者 一

錢 人參 一兩 象皮 三錢 琥珀 一錢 兒茶 一兩 紫石英 二兩

三七根末 一兩 木耳炭 一兩 生甘草末 五錢 和勻以礮盛

之每膏藥一個用勝金丹末三錢滲上膏藥上貼之大約

接骨不須一個也重則用膏藥二個此膏此藥皆絕奇絕

實之藥倘骨未損傷只消點膏藥一個卽痊不必加入勝金丹末藥也三方內外治法皆有不可形容之妙內外同治旦夕卽能奏功世得此三方可無憂折傷之不可救也人有從高而下墮於平地昏死不甦人以為惡血奔心也誰知是氣爲血壅乎夫跌朴之傷多是瘀血之攻心然而跌朴出於不意未必心之動也惟從高下墜者失足之時心必驚悸自知墮地必死是先挾死之心不比一蹶而傷者心不及動也故氣血錯亂每每昏絕而不可救治之法逐其瘀血而必佐之醒氣之品則血易散而氣易開倘徒攻瘀血則氣閉不宜究何益乎方用甦氣湯 乳香末一

錢 沒藥末 一錢 蘇葉 三錢 荆芥 三錢 當歸 五錢 丹皮 三錢

大黃 二錢 桃仁 十四個 羊躑躅 五分 山羊血末 五分 白芍

五錢 水煎調服一劑而氣甦再劑而血活三劑全愈此方

醒氣活血兼而用之故奏功特神方中妙在用羊躑躅與

蘇葉荆芥因其氣亂而亂之則血易活而氣易甦矣

金瘡門

人有殺傷而氣未絕或皮破而血大流或肉綻而腸已出
或箭頭入膚或刀斷背指死生頃刻不急救可乎大約金
刀之傷必死過於流血血盡則發渴渴發飲水則立刻即
亡故刀鎗之渴斷須堅忍世人若有飲水而愈者又是何故

蓋其人素有熱病得水則熱解而不可執之以治凡有傷而渴者也但渴既不可飲水又將用何藥以解渴要不能外補血以救之也然而既補血以止渴刀鎗之口大傷所補之血仍然外泄血流無止遏之期亦速死之道也故補血之中仍須用止血之藥而止血之內更須用生肉之劑則惡血不致攻心內火不致燒胃庶死者可生破者可完斷者可續也方用膚續命湯

三兩

立參

人參

生甘草

三七根末

續

生地

當歸

麥冬

斷五錢

地榆

乳香末

沒藥末

劉寄奴

花蕊石

白木

水煎服一劑而口渴止二劑而瘡

口閉三劑而斷縫生四劑全愈真神方也此方補血而加
之止澁之味以使血之不流肉之易長是矣何以又用助
氣之藥蓋血傷不易速生補氣則能生血且血生以接肉
又不若氣旺以接肉之更易所以於補血之中而兼用補
血之藥也雖不用參朮未嘗不可建功然終覺艱難不能
成功之速矣此方凡有刀傷皆可治療但視其所傷之輕
重以分別藥料多寡可耳

九龍神針

查方來經驗奇方

硫黃

川烏

血竭

射香

煉丹之時要誠敬齋戒忌婦人雞犬不可見面淨室內

降丹靈藥方

查方來經驗有神

水銀

火硝

白礬

皂礬

食鹽

共爲一處研水銀不見星先結成胎底薄在內然後將確口朝下薄立於底上下面用石臼合成用棉紙撚水濕透爲圈口上面在加石羔生面打的緊不可走氣上面架上炭火煉一炷香取石臼上的白靈薄顏色白者爲降丹收領可治諸斑疔瘡惡瘡上上卽好此方仙方也

物傷門

人有爲虎所傷無論牙爪流血必多大約虎傷者多在頸

項必有深孔或兩個或四個其孔一時即便黑色痛不可忍急用生豬油塞之無豬油則用生豬肉填之則肉入孔中隨塞隨化庶不致所傷之肉再腐然後急買地榆半斤為末敷其虎傷之處血即頓止隨用湯藥以解其渴蓋虎傷之後血流必多而虎又有熱毒直來犯心故口渴必甚斷不可即與水飲萬不得已可與小便飲之急用制虎湯

當歸 三兩 地榆 一兩 生地 三兩 黃芪 三兩 三七根末

兩 麥冬 三兩 水十碗煎數碗恣其暢飲服完必安然而卧

明日傷處大癢又服一劑又卧如是五日瘡口生合而愈此方大補氣血以生肌加地榆以化虎毒加三七根止血

收口藥料無奇而收功實神也

人有為蛇所傷或在足上或在頭面或在身腹之間足腫如斗面腫如盤腹腫如箕三日不救則毒氣攻心人即死矣蓋蛇乃陰物乃陰物藏於土中初出洞之時其口尙未飲水毒猶未解故傷人最酷治之法必以解毒為主惟是蛇毒乃陰毒也陰毒以陽藥解之則毒愈熾必須以陰分解毒之藥順其性而解之也方用祛毒散 白芷 一兩生

甘草 五錢 夏枯草 二兩 蒲公英 一兩 紫花地丁 一兩 白礬

三錢 水煎服一劑而腫漸消二劑毒盡從大小便而出二

劑安然全愈是方白芷維是陽分之藥得夏枯草陽變為

陰紫花地丁蒲公英甘草白礬之類盡是消毒之味又俱屬陰陰藥以化陰毒自易奏功所以助白芷直攻蛇毒而無留餘之害也或問解蛇之毒既不可用陽分之藥何必又用白芷不能除世人不善用之所以有效有不效今用之於陰分藥中自無不效矣又胡可舍白芷以另求他藥反致無功乎或問雄黃亦制蛇之品何不可用之乎然而白芷陽中有陰不比雄黃之純陽也雄黃外用可以建奇功而內用每至僨事不若白芷之用於陰分藥中可收全效耳

人有爲癩狗所傷者其人亦必發癩有如狂之症世人以

爲其人必生小狗於腹中此悞傳也因其人發出狂癩有如狗狀見人則咬逢女則嫖非狗生腹中不宜有此景象況人爲癩狗所傷大小便必一時俱閉不能遽出大小便用力虛努似若生產艱難且外勢急痛腹脹而死人遂信腹中生狗不能產而死謂腹痛者乃小狗內咬也豈不可咲哉其實狗悞食毒物而發癩亦爲所傷則毒氣傳染於於人狗愈而人死矣最可畏之病也然而得其法以解毒則病去如掃正不必過懼也夫犬性最熱狗食物而發癩乃食熱物之故或食自死之肉或餐熱病之屍多成癩病然則狗發癩狂實熱上加熱也解其熱毒何不愈之有但

世人未知解法所以不救耳我逢異人傳授奇方不敢自
秘謹共傳以救世焉方用活命仙丹 木鱉子 三個切片

陳土炒 斑貓 七個去頭足米一撮炒 大黃 五錢 劉寄奴 五

錢 茯苓 五錢 射香 一分 各研細末和勻黃酒調服三錢一

服而毒氣全解至神之方也不必二服七日皆能奏功過

七日外必須多服數劑無不可救服藥切忌色慾須二月

不行房並忌發物餘無所忌是方用木鱉斑貓者以犬最

畏二物也木鱉大涼又能瀉去熱毒得大黃以迅掃之則

熱毒難留劉寄奴善能逐血尤走水竅佐茯苓利水更速

引毒氣從小便面出也射香雖亦走竅然用之不過制班

猫木驚之毒使之以毒攻毒耳中有妙理非漫然而用之
也有此方又何畏癩狗之傷者

癩門

人有遍身發癩皮厚而生瘡血出而如疥或痛或癢或乾
或濕如虫非虫人以爲濕熱之留於皮膚也誰知是氣血
不能週到滋潤乎世多以苦參煎湯或菴發白芷之數外
治而終不能成效正坐於氣血之虛也蓋氣足則經絡無
閉塞之虞血旺則毛竅無乾枯之害且氣足血旺則熱散
濕消何致癢滯而不通散結於皮膚之外哉故治癩之法
專以補氣血爲主而佐之消濕散熱之味雖十載沉疴尙

可奏功於旦夕矧目前之近癩乎方用掃癩丹 黃蘗三

兩 當歸二兩 防風二錢 茯苓一兩 白朮一兩 生甘草三錢

麥冬一兩 金銀花二兩 芍藥一兩 川芎五錢 熟地一兩 山

茱萸五錢 玄參一兩 荆芥三錢 天花粉三錢 水煎服二劑

而皮色潤又服二劑而乾燥解連服十劑無不全愈此方

大補氣血無異枯涸之田一旦忽逢霖雨之滂沱生機勃

勃又何至有塵埃之飛野哉水滿平疇而蝗虫之類自然

全消於無形矣

刑杖門

人有腿受官刑皮肉腐爛死血未散疼痛呼號似宜用膏

藥末藥外治爲佳然而受刑深重不急內散專恃外治則
逍遙膜外安能衛心使惡血之不相犯乎此內治之斷不
宜遲也然而世人外治之方多有神奇而內治之方絕無
應驗往往有一時心亂而死者雖犯法遭刑多緣惡積第
保無受冤之屈棒乎冤氣在心則肝葉開張肝氣填急尤
善引血入心使無辜之人一旦輕死原非醫者之罪而療
治無法是誰之愆亦見吾道之未廣也鐸求異人時傳一

方一受官刑卽時煎服斷無性命之虞服後然後用膏藥
末藥外治內外夾攻則瘡口易愈矣內治方名爲衛心仙

丹 大黃 三錢 當歸 一兩 紅花 三錢 桃仁 三十粒 生地 一

兩丹皮三錢 木耳三錢 白芥子二錢 水煎服一劑而惡血

散矣不必二劑也然後以膏藥貼之膏方名曰護身補丹

大黃一兩 沒藥三錢 乳香三錢 白蠟一兩 松香五錢 骨

碎補五錢 當歸一兩 三七根三錢 敗龜板一兩 麝香五分

各為細末猪板油一兩 將白蠟松香同猪油在銅鍋內化

開後將各藥末拌勻為膏貼在傷處外用油紙包裹再用

布纏住輕者一膏即痊重者兩膏足矣如夾棍傷重大約

不須四個即可行走無虞矣二方至神至奇內方使惡血

之盡散外方使死肉之速生合而用之又何至損人性命

嘆醫治之無術哉

小兒科

驚疳吐瀉門

兒科之病驚疳吐瀉爲多然其中又有分別大約因疳而成吐因吐而成瀉因瀉而成驚故小兒口內流涎乃疳之兆也起首卽治疳而吐瀉之症不作又何致驚症之生也惟其失治疳症而胃氣受傷矣小兒純陽原無損於陰氣胃傷者傷陽氣也陽傷而陰亦傷矣傷陰者傷脾氣也人生後天以脾胃之氣爲主脾胃兩傷無氣以養心而驚之症起矣是驚乃虛病而非有外風之入也然則吐瀉驚俱是脾胃之虛寒而疳乃脾胃之實熱耶不知小兒因多食

水菓以致口熱而成疳口熱似乎陽旺也然而陽極則變
爲陰矣故疳症既久而作吐正陽變爲陰之驗也可見驚
疳吐瀉俱是虛症補脾胃而四病皆易愈也世醫分驚爲
風分疳爲熱分吐瀉爲寒亦未深知小兒之症耳孰知單
治脾胃之虛而四症不必治而奏效也方用活兒丹 人
參三分 白朮一錢 甘草一分 茯苓二錢 陳皮一分 巴戟天
一錢 白芍一錢 柴胡二分 當歸五分 山查五分 神曲三分
水煎服一劑而驚疳吐瀉無不卽安二劑全愈三劑不再
發也此方健脾開胃又能平肝使肝木無鬱滯之患自能
疏通土氣變尅土之肝反爲益土之肝矣脾胃無非生氣

而吐瀉自止何至四肢無養變成角弓反張之急慢驚風哉

一小兒生疳上下牙床盡腫口角流涎咳嗽不已咽喉腫痛人以爲疳症脾熱也誰知是胃火之上升乎夫既是胃火宜用瀉火之藥瀉火而不效者以火過於盛將陽變爲陰矣故用降火之藥以瀉火而火不降轉致困憊者正內經所謂壯火食氣也蓋少火宜瀉而壯火宜補不補胃而治火反瀉火以損胃安得而不加困憊哉治之法補其胃氣之虛少加息火之味則疳症不治而自憊矣方用平疳湯

湯

茯苓

三錢

白朮

一錢

陳皮

二分

神曲

五分

麥冬

二錢

玄參二錢 桔梗一錢 蘇葉三分 人參三分 黃芩三分 煨殼

三分 水煎服一劑輕二劑又輕三劑而疳症愈四劑不再

發也此方補胃以散火而火自平者以火出於土之中也

土健而火藏土衰而火現故補其火而火藏於下又何至

上升於口頰之間乎况方中有解火之味在於補之內則

土引火而自歸火亦隨土而自戢矣

一小兒生疳之後飲茶水即吐後則不飲茶水而亦吐困

弱之極人以爲熱吐也誰知是熱變寒而吐乎夫疳症本

熱也疳久則寒者以胃土之傷土衰則火旺火旺則土益

衰土益衰而前火之旺自滅火土兩衰安得不寒乎况小

兒

兒

兒

兒

兒最善生冷土衰又加生冷自然作吐矣故止吐以健胃
爲主單用止吐之藥吾未見其能止卽偶止吐於一時未
必不動吐於後日惟健胃以止吐則胃強而吐不再犯也
方用六君子湯加味用之 人參 一錢 白朮 二錢 茯苓 二
錢 甘草 一片 半夏 五分 神曲 三分 陳皮 三分 白豆蔻 一粒
水煎服一劑卽止吐二劑全愈此方健胃以止嘔治大人
尙有神功況小兒乎小兒嘔吐世人視爲輕症往往不以
爲意變成大病而不可救以胃氣之傷不能生養夫四肢
而角弓反張之病現乃因虛而成之也今以此方扶其胃
氣胃健而飲食能受旣無嘔吐之傷自有灌注之益又何

至有驚風之病哉

一小兒大吐之後忽然大瀉雖吐止而瀉不肯止倦忘之極人以爲吐變瀉則其氣順矣誰知其氣愈逆乎夫吐乃傷胃而瀉乃傷脾也氣順宜吐止而愈矣今吐止而大瀉乃胃傳於脾矣出腑而入臟是由表而入裡也較吐更甚蓋吐症補胃而可愈而瀉症宜兼補脾耳雖脾胃有全治之法補胃自必補脾但旣吐後作瀉則補脾必須補胃也

方用生脾助胃湯

人參

三錢

白朮

三錢

甘草

三分

肉桂

一錢

茯苓

五錢

神曲

五分

附子

一片

水煎服

一劑而瀉止

二劑全愈倘服之不應不必治之矣此方治小兒之瀉效

驗如嚮百人中可救九十彼應者乃陰陽兩絕之人也非藥之過耳世人見參附如醜毒無論醫生用之是與不是動輒詆毀使醫生畏謗而不敢用因循瞻顧至於死亡爲可痛也

一小兒上吐下瀉眼目上視死亡頃刻其狀宛似慢風人以為驚風之症也誰知是脾胃之氣將絕乎小兒至此亦人鬼之關也若作慢風治之用牛黃等丸下喉卽死矣夫脾胃之氣將絕是陰陽之氣欲脫也非急救其氣何能再活救氣之藥舍人參無他味也世間之藥價重者無過人參而此等症人參必須用多誰能用人參至四五錢以救

嬰兒之吐瀉無論近人無此胆氣卽古人亦無此方法毋

怪嬰兒之多亡也鐸逢異人訓鐸救小兒垂危之症惟有

多用人參可變危爲安鐸試之奇中活兒者非一人矣小

兒脾胃虛寒何禁上下之瀉正至危之症尤宜多用人參

以救之方用安兒至寶湯 人參一錢 白朮五錢 茯苓三

錢 巴戟天三錢 附子一錢 麥芽一錢 枳壳三分 檳榔三分

車前子二錢 白豆蔻三粒 扁豆二錢 蘿蔔子一錢 水煎服

一劑卽吐止再劑卽瀉止三劑全愈此全在用參附之多

所以能奪命於將亡以參能回陽於亡何有之鄉以附子

能續陰於已絕之後也然非羣藥佐之則陰陽不能分清

濁而積穢亦不能祛除耳且有參朮以補氣少少祛除偏
易奏功否則烏可已傷而再傷已絕而重絕乎世人但尙
祛除全不識補中用攻之法所以百戰而百敗也

一小兒吐瀉之後角弓反張時而驚悸搐搦人以爲驚風
之病也誰知非風也乃肝尅脾胃之土而土氣欲絕耳此
時萬不可治風一治風以定驚則立刻卽亡矣蓋旣經吐
瀉則陰陽兩亡所存者幾微之氣耳不急救脾胃以續氣
反去散風邪以損氣欲不趨於陰得乎且脾胃欲絕補脾
胃之土而不補命門心包之火則土寒而陽不可以遽回
陰不可以驟長故必須補火以生土補土以止驚之爲得

也方用續氣湯 人參 一兩 白朮 一兩 巴戟天 五錢 肉桂

一錢 生棗仁 三錢 遠志 二錢 茯苓 五錢 菖蒲 三分 丁香 三

分 柴胡 五分 白芍 三錢 甘草 二分 乾姜 三分 附子 三分 半

夏 一錢 水煎服一劑安二劑又安三劑全愈此方以十歲

為準每歲減二分無論慢驚急驚此方投之無不生全蓋
急慢驚風俱是虛症非急為風而慢為虛也世人以驚為
風悞矣不作風治則十人九活一作風治則十人十死以
虛而兼治風則十人八死以大虛治而絕不治風則十人
十活也喻嘉言謂驚風二字乃前人鑿空之談勸行醫者
絕口不道其言雖過於憤激然亦深憫小兒之悞死也於

非命不得不大聲以救之也。但喻嘉言所立之方，尙兼風治，猶未洞達底裡，不能直補土以救驚，併補土以生土也。哉。

一小兒驚症，有慢驚、急驚之分。世人以急驚屬之風，慢驚屬之虛，以此區別治療生者，頗多似乎其說之不可易矣。誰知似是而非，亦殺人之說也。蓋小兒從無有驚風之症。此岐天師之所未言，而雷公之所不論者也。驚風二字，乃末世之醫創言，以殺小兒者也。自此言出，殺小兒不啻數百萬矣。小兒何常有風？一作風治千人，千死殺運未除，天亦聽此輩之亂治，以代天而司殺乎？嗟乎！天心仁愛，何忍

使小兒不識不知任其天傷同於金刃之傷殘耶鐸受異

人之教傳鐸救小兒驚症絕不治風無論急驚慢驚以人

參湯調服立刻奏功無不危者即安死者重活鐸初意欲

自秘家傳以神吾術已而清夜思維救一家之子孫何若

救萬世之幼赤乎故將仙傳方法罄書竹簡以听世人之

公用也其方用人參一錢白朮半斤茯苓三兩半夏一

兩廣末香三錢柴胡一兩荆芥炒黑五錢白芍三兩山查

一兩枳壳一兩檳榔五錢麥芽五錢神曲一兩甘草一兩

乾薑一兩麥冬去心一兩石菖蒲五錢薄荷葉五錢各為

細末蜜為丸丸如龍眼核大凡遇急慢驚症用一丸以入

參三分煎湯泡開送下無不全活方名保赤定驚丹輕者
止消一丸重者兩丸但無不愈者也但泡開必須用人參
煎湯多多益善若不用人參效不能十分之捷然亦免死
亡之兆也願世人共信吾言萬勿執驚症爲風症忍爲殺
人之醫也

便虫門

小兒有便寸白之虫或蜉蝣之虫或吐出長短之虫種種
不一人以爲濕熱之虫也誰知是脾胃之傷乎小兒最喜
食生冷之物自是濕熱無疑然附脾胃氣健雖有濕熱自
易分消惟其脾胃之氣傷則難於運化不生津液而生虫

矣倘徒治虫而不補其脾胃則脾氣不能消胃氣不能化
 虫且安居無恙又何能殺虫哉惟補其脾胃之氣則氣旺
 而自能制虫況又佐之殺虫之藥虫將何隙逃死乎此治
 之法必須補中用攻也方用治虫丹 白朮 三錢 茯苓 三
三錢 甘草 三分 白微 二錢 史君子 十個 枳壳 五分 白芍 三
錢 白部 一錢 檳榔 五分 黃連 二分 半夏 五分 水煎服二劑
 而虫盡化為水矣但服藥之後必須忌飲湯水茶茗此方
 殺虫之藥雖多然入之健脾平肝之劑內則正氣無傷而
 虫又盡殺乃兩得之道也

小兒有糞門邊拖出長虫不肯便下又不肯進入直腸之

內不痛不癢人以爲虫口咬住也誰知乃崇憑之乎夫虫口咬住必然作痛今安然如故豈虫口之自咬耶虫既不咬宜隨糞而俱下今不下而留半截於中非崇憑而何病既崇憑宜非藥物可治然而人有一念之悔心醫卽有一種之治法使人苟遷善而求醫無藥又何以見吾道之大哉況父母未有不愛其子者見其子生虫之異未必不疑自身之譴尤而畏鬼神之作崇或告天而代爲請禱或信佛而自訴祈求若使醫無以應之不幾阻人改過之門乎

鐸

受異人之傳用藥外點虫身則立化爲水方名點虬丹

水銀一錢 冰片一錢 硼砂一分 雄黃三分 樟腦一錢 輕

粉三分 白芷一錢 薄荷葉三分 各研極細末以不見水銀

星為度水調少許點虫頭或身上少刻即盡化為水但點藥之時必虔拜上天然後點之則驗否則或驗或不驗也不須內服煎藥至奇之方也余恐負異人之傳故罄書之辨證論後異人者余遊南岳所逢道士自號雷公狀貌殊異傳釋活人錄奇方最多此方則一也

痘瘡門

一小兒將出痘也身必發熱口必發渴眼必如醉此時必即以表藥散之則火毒大解無如世人未敢信為出痘因循數日見點而始用表散有形之解與無形之解大有不

同所以輕變重而重變死也雖然見點不用表散之藥則
 火毒又將安解豈不藥得中醫而可望其自愈乎不知能
 善表散之藥正自有功耳大約痘瘡初出之時不可不用
 表散之藥而又不可全用表散當於補中表散之則正氣
 無傷而火毒又能盡解也方用至慈湯 人參 三分 荆芥
三分炒黑 生甘草 一錢 柴胡 一錢 當歸 三錢 茯苓 二錢 陳
 皮 三分 麥冬 二錢 玄參 三錢 天花粉 一錢 水煎服一劑火
 毒少解二劑火毒全散不必三劑也若已出點則重變輕
 而死變生矣此方止用柴胡荆芥以疏通其表裡得玄參
 以去其浮游之火得生甘草以解其毒妙在人參歸冬之

類俱是補氣補津之味佐前藥以充其力使無壅閉之憂以達其至隱之火毒也世人治痘一見用補無不驚懼誰知火毒非補萬不能由內而發於外乎能於補中用表散之法何愁小兒之不盡登於壽考也此方以十歲爲準如週歲小兒用十分之一每歲增加可也若十歲之外小兒宜加人參而已餘味不必加也

一小兒已出痘遍身上下盡是鮮紅之點粒粒可數此至佳之痘也不必用發散之藥只須助其正氣自然飽滿貫漿收靨亦速不必九日而始回矣然而純用補劑又慮呆補而無疏通之氣恐速於成功未免有升上而不能降下

之虞亦非治之善也方用安幼湯 當歸 二錢 荆芥 錢

立參 二錢 陳皮 三分 熟地 三錢 麥冬 三錢 土甘草 五分 生

地 二錢 黃連 一分 丹皮 一錢 貝母 三分 水煎服一劑而綻

不必二劑也此方妙在補中帶散則痘瘡力足無內怯之

憂散中實補則痘瘡大泄少外阻之禍世人不知治法往

往一味是補所以多留後患耳至於一味呆散未有不將

佳痘而變為惡痘者每至死亡猶以為胎毒之未淨也仍

用散毒敗火之劑以至不救謂非醫殺之而欲冀免於陰

報也得乎幸人善用方以安幼耳

一小兒出痘其痘瘡之色紅盛煩渴大便乾燥小便短澀

而黃赤脉洪大不倫舌上生瘡此陽症之瘡也切忌用熱
 溫之味然又不可見爲火熱而卽用寒涼之藥恐火熱太
 盛驟得寒涼而火不肯遽退熱不肯驟解反至生變者有
 之治之法宜於用寒之中而佐之化熱之品用涼之內而
 輔之散火之味則不違火熱之性而自得寒涼之益也方
 用全痘散火湯 玄參 三錢 黃芩 一錢 生甘草 一錢 梔子
 一錢 桔梗 二錢 生地 二錢 荆芥 三錢 炒黑 當歸 二錢 水煎
 服一劑而熱毒火毒盡行解散矣此方用芩梔以清火又
 得玄參以退其浮游之熱妙在荆芥桔梗引火外出而生
 地當歸滋其臟腑之燥則雨潤風吹有不變火宅爲清涼

者乎所以獲解散之功而背違之失也

一小兒出痘瘡虛空而色又清白發癢中癩身寒而顫
咬牙不已腹中虛脹上吐下瀉脈復沉微細弱此陰症之
症瘡也蓋內寒之極瘡不能發出必須用大補氣血之藥
而佐之溫熱之味則瘡無冰凍之虞倘不知其故而亦用
寒散之品則痘瘡內陷而死亡頃刻矣是陰痘戒用陰分
之藥明甚然而其中有似是而非者又不可不辨以痘瘡
之善變也色白虛也而發痒又有實症身寒涼也而發顫
又有熱症腹脹虛寒也而吐瀉又多實熱之症既非虛寒
而亦用溫熱之品安得不死乎然則終何以辨之吾辨之

於舌焉舌紅者熱也舌白者寒也舌紅而帶白者熱中之
寒舌白而微紅者寒中之熱舌大紅而又燥熱之極也舌
純白而又滑寒之極也倘舌白而又滑此陰症無疑方用
祛陰救痘丹 人參 一錢 當歸 三錢 白朮 三錢 附子 三分
荊芥 一錢 黃芪 三錢 水煎服一劑而色白者卽變爲紅陽
回而陰寒之氣盡散矣此方用參芪歸朮以補氣血氣旺
而陰自難留血足而陽自可復然後益之附子則奏功始
神方中又加荊芥者以附子直攻其內非荊芥則不能引
附子外散耳

一痘瘡初出隱於肌肉之間不見點粒人以爲瘡毒之內

藏而不肯遽出也誰知是氣虛而不能推送以發於外乎
論理用升麻桔梗羌活之類亦能外發然而不補其氣而
惟用散藥吾恐元氣益虛痘發之後未必無他病之生尙
非治之善者也方中發痘散 生黃芪 二錢 甘草 五分 當
歸 一錢 桔梗 一錢 荆芥 一錢 防風 二分 水煎服一劑而點
粒見再劑而痘盡出也不必再服藥矣此方之妙雖用桔
梗荆芥防風之散藥而實得黃芪當歸補氣之力則易於
推送所以火毒不能隱藏一齊而盡出也

一痘瘡已見點後熱氣大盛瘡粒過多人以爲火毒而太
甚誰知是血虛而不能以潤乎若止用發散之劑而不用

補血之藥則火盛水乾痘難貫漿矣故必須於補血之中而少佐之以解毒也方用養痘湯

連翹

五分

麥冬

一錢

天花粉

三分

木通

三分

甘草

一分

水

當歸

二錢

川芎

一錢

煎服一劑而熱退二劑而瘡粒明淨盡行貫漿矣此方之妙妙在當歸麥冬川芎爲君而少用連翹木通天花粉爲佐使則血旺而火不過炎熱消而毒不內隱故能速於收功而又無後害也

一痘瘡已出四五日後大小不等根窠不甚紅澤色暗頂陷不能起發者人以爲火毒之倒塌也誰知是氣血之虧欠欲出而不能欲發而不得乎倘徒用化毒之藥則毒反

不消倘徒用催漿之藥則漿反不貫變生不測往往有入

於死亡者治之法必須於補氣之中而輔以化毒催漿之

味方用催痘湯 人參三分 牛旁子一錢 當歸二錢 川芎

一錢 黃芪二錢 茯苓一錢 桔梗五分 陳皮二錢 連翹三分

肉桂半分 水煎服一劑而色紅二劑而頂突貫漿矣此方

之妙妙在用參芪歸芎之多而發散化毒為佐使矣氣足

而不怯於中血足而不陷於內自然痘色紅潤而肥滿矣

一痘瘡至六日毒宜化漿宜行矣乃顏色不紅綻肥滿是

氣血大虛也萬不可徒攻其火而妄用敗毒之味也必須

以補氣補血為主方用獲痘萬全湯 人參五分 黃芪一

錢當歸二錢 川芎一錢 白朮二錢 茯苓一錢 陳皮三分 牛

旁子三分 桔梗五分 天花粉三分 水煎服一劑而紅潤肥

滿矣不必二劑也此方之妙全不去消毒攻火但補氣血而痘自外發且補中有散而補非呆補更易奏功所以有益無損而收萬全之效也

一痘瘡七八日宜漿滿足矣今瘡平漿薄飲食少減人以爲毒氣之內陷也誰知是氣血之不充乎天氣血之不充者由於脾胃之氣弱也脾胃氣弱則肝血不生肝血不生則脾胃之氣更弱又何能致漿足而瘡突哉治之法必須大補其脾胃之氣而少佐之補血之品氣血旺而脾胃自

健脾胃健而痘瘡安得不充滿乎方用保痘湯 人參一

錢 白朮 二錢 黃芪 二錢 當歸 二錢 麥冬 二錢 陳皮 五分 荆

芥 一錢 如癢加白芷 三分 蟬退 二分 不癢不必加也如痘

色白而薄倍加參芪一劑而白者不白薄者不薄矣此方

純補氣血而補氣更重於補血者以血得氣而易生也氣

足血旺何愁痘瘡之漿薄哉自然飲食倍增漿老結靨矣

痘瘡至九日十日之後漿稀痂薄人以爲痘毒之內蘊也

誰知仍是氣血之虧乎夫氣虛補氣血虛補血又何疑乎

然而氣血雖虛而痘毒未清不兼顧火毒一味呆補則火

毒內藏亦恐痘愈之後有回毒之虞必須於補中微散之

為得也方用全痘湯 人參 二錢 白朮 二錢 牛旁子 一錢

茯神 三錢 陳皮 三分 當歸 三錢 通草 一錢 甘草 五分 荆芥

一錢 金銀花 三錢 水煎服一劑而漿厚靨高矣此方用人

參而不用黃芪者以黃芪過於補氣且恐有脹滿之虞不

若多人參既補氣而復無增悶之嫌耳尤妙用牛旁金

銀花於補中瀉毒得補之益而更獲散之利真善後之妙

法也

一痘瘡至十一二日身發潮熱飲食不思當靨不靨痂落

無托人以為毒氣之猶存也誰知是氣血之虛而毒多未

化乎方用化痘仙丹 當歸 三錢 芍藥 二錢 人參 一錢 山

查五粒

黃芪三錢

荆芥一錢

牛旁子一錢

防風三分

甘草

二錢

金銀花三錢

水煎服一劑而胃氣開思飲食矣二劑

全愈不必三劑也此方之妙妙在用金銀花與荆芥牛旁於參芪歸芍之中則胃氣不傷脾氣大旺肝血既潤復不剋土則火毒全解又安有留餘之患哉大凡痘瘡不補則火毒不出而痘瘡純補則火毒亦不盡出也今於補中用散所以未出者能出而既出者盡出矣

一痘已見形又出一層紅斑者此夾疹之痘也或似斑而非斑或零星錯雜皆是夾疹之症人以爲痘毒之深前未發出而後再發也誰知痘出之時而又感寒風使內熱留

中閉塞腠理激動腑毒而併出乎治法宜臟腑併治然而
 治臟不若先治腑也蓋痘毒出於臟疹毒出於腑臟之毒
 深而腑之毒淺淺之毒先散而深之毒亦自難留故治痘
 必須先治疹也方用分痘湯 升麻 一錢 玄參 三錢 麥冬
 三錢 當歸 二錢 青蒿 二錢 生甘草 一錢 半夏 五分 生地 三
 錢 荆芥 一錢 水煎服一劑而疹全散矣此方退陽明之火
 解肺經之熱妙在多用升麻引火向外發於皮毛雖曰消
 疹而實卽所以成痘也又何必治疹之後再去治痘哉
 一痘症已全數日之後身復發熱遍身發出紅斑痒甚愈
 爬愈盛先出大小不一如粟米之狀漸漸長大如紅雲之

片人以爲痘毒之尙存從前未經暢發故爾如此誰知是痘毒全無乃收痂大愈之後放心縱慾飲食過傷又兼風熱而成之乎此名爲蓋痘疹似痘而非痘也治之法散其風熱而不必顧其痘毒然而風熱既解卽有痘毒亦無不共解矣方用安痘湯 立參 五錢 當歸 三錢 連翹 一錢 白芍 二錢 丹皮 二錢 荆芥 二錢 甘菊花 二錢 升麻 五分 天花粉 一錢 水煎服一劑而斑輕再劑而斑盡散矣此方化毒而不耗其氣解熱而不損其血所以風熱全消而痘無變症耳

一痘瘡五六日後色變純黑或灰炭之色頭頂陷下不起

飲食到口卽吐此死症無疑所謂壞症也世醫到此無不
 辭去然而死中可以求生正勿以其壞症而輕棄之也蓋
 小兒純陽陽氣易瀉而陰氣難絕倘有一線之陰可續則
 引陰以接陽往往死者可以重生而生者得以不死我受
 異人之傳何敢獨秘不共傳以救萬世之小兒乎方用起
 死救兒丹 人參 一錢 玄參 一兩 金銀花 一兩 白朮 二錢
 當歸 三錢 麥冬 三錢 甘草 一錢 荆芥 二錢 天花粉 二錢 茯
 神 三錢 水煎服一劑黑變爲紅再劑而陷者起乾者潤飲
 食知味矣此方之妙全在用金銀花與玄參之多用既能
 解毒復善敗火而又助之參朮歸冬則足以濟二味之力

而益成其祛除之功所以能轉敗而成勝起死而變生也
萬勿驚其藥品之重與用參之多而減去其分兩蓋藥不
重則火毒難消參不多則陰陽難復也願人加意於此方
以救兒於危險哉

一小兒痘瘡治之不得法多至不救誰知痘瘡可以不治
治之乎夫兒已生瘡何可聽其自生子所謂不治治之者
服吾藥可使之不生痘不必用藥以治痘也夫兒之生痘
瘡者感父母之淫氣以生之也解其淫氣而又助之化毒
之品安得而生痘哉前人亦知此意曾造稀痘之丹或製
截痘之法然服之有驗有不驗者未能深窺痘毒之源與

解毒之藥也蓋解毒之品未有不損人元氣者元氣一虛
 毒即難解且毒成於火而清火必用寒涼之藥但小兒脾
 胃最忌寒涼之味一服寒涼土氣匱乏而火毒又安能外
 泄乎此所以服之而不效也鐸逢異人之傳方法平平而
 取效實奇方名止痘丹 生甘草一錢 金銀花三兩 玄參
一兩 貝母五分 苦參三錢 丹皮三錢 黃芩二錢 將七味檢
 入赦日水二碗煎一碗不必兩煎將此一碗汁重湯又熬
 至三分用茯苓五錢為細末將汁調為丸如米粒大俟半
 週之時將藥用蜜拌與小兒食之二日服完必下黑糞永
 不出痘矣痘既不生何有死亡之痛哉異人得此方原教

鐸 廣傳人世鐸 思口傳於人恐人世之不盡知也今附於
辨證奇聞之後付之剖劓庶幾窮鄉極谷書到之處均可
受益以慰異人之傳云

疹證門

一小兒發熱二三日肌膚之間隱隱發出紅斑點如物影
之搖動時有時無者此影疹也人以為發斑之傷寒也誰
知是出疹發表熱毒外散偶遇大風大寒生冷之犯故皮
膚虎塞毒氣內收壅住於腠理之中乎其症皮膚之際片
片皆紅紅或變白白或轉紅紅或變紫氣喘腹滿甚而作
痛毒氣入臟欲出不能存亡頃刻至危之病也治之法必

須化斑而不必治疹蓋疹與斑總皆熱毒耳方用消斑化

疹湯

玄參 五錢

歸尾 三錢

石膏 二錢

白芍 五錢

地骨皮

一二錢

丹皮 三錢

荆芥 二錢

木通 一錢

青蒿 三錢

升麻 一錢

麥冬 三錢

甘草 一錢

水煎服一劑而斑化疹散二劑而消

歸於烏有矣此方不多用大寒之品止用微寒之味者以

疹斑之病雖起於大熱然亦因臟腑之乾燥內無水制而

外現也今滋其津液則水足以制火又得引火解毒之藥

直走皮膚火毒欲內攻而不可得安得不外泄而解散乎

況方中用玄參為君原能清淨游之火又何必多用大寒

以撲滅其炎威而傷我臟腑乎所以奏功既神而又無其

大害耳

一小兒出疹口中大渴父母暢與之水快甚遂恣其酣飲
乃嘔吐不止因變瀉痢喘嗽不寧小便不利陰囊浮腫脇
痛筋軟膨脹之症生人以爲火熱之不解也誰知皆飲水
過多水畜不消之病也夫心火充炎因而作渴飲水必入
於心心不受水而傳於脾爲嘔吐瀉痢矣傳於肺爲咳嗽
矣傳於腎爲小便閉而囊濕浮腫矣傳於肝爲脇痛筋軟
膨脹矣夫水本尅火然水多則滯火反得水以滋其沸騰
疹消而他病生焉治之法不必治疹而惟在於分消其水
勢水涸而疹亦痊矣方用分水消疹散 茯苓 三錢 車前

子 二錢

木通 二錢

猪苓 二錢

薏仁 一兩

桔梗 一錢

荆芥 五

分白朮 二錢

水煎服一劑水從小便出矣連服二劑水盡

而愈此方專治水也止用桔梗荆芥以少提其氣不特水氣因升提而下行倍速且使餘疹亦從膀胱而下泄也但二味既是提氣何不用升麻提之不知升麻提氣必使疹毒由皮毛而反足以擗利水諸藥之肘不若荆芥桔梗雖提氣而不走皮膚反能佐二苓羣品共走膀胱水與疹而同治也

一小兒發疹之後牙根潰爛肉腐出血臭穢沖鼻人以爲餘毒未淨身上遊熱之不退也誰知皆醫治疹而不治淨

火之故使熱積皮膚不用解散清涼之劑以致毒火入胃
 久而不散因而作崇也此等之病必須仍散其火熱之毒
 倘不知治法縱兒恣食肥甘濕熱動虫勢必變為走馬牙
 疳穿腮落齒或面頰浮腫環口青黑唇崩鼻壞生瘡作癢
 肉腐唇敗而不可救者多矣方用救疹散毒湯 玄參三
 錢 甘草五分 黃芩一錢 茯苓三錢 白朮十枚 白微一錢 青
 蒿三錢 麥冬三錢 陳皮三分 荊芥五分 生地三錢 干葛一
 錢 水煎服一劑輕二劑又輕三劑全愈此方乃和解之味
 而不用大涼之藥者以疹病既愈其勢雖盛而火毒實輕
 正不可以外證之重而即用重瀉之味以劫奪之也世人

一見此症之病輕用苦寒瀉藥往往輕變重而重變死不
可不慎耳

喫泥門

一小兒數歲後好吃泥土人以爲胃氣熱也誰知是肝木
之旺乎肝木過旺來尅脾胃之土而土虛不能敵肝思得
土以助脾胃故見泥土而思食也治之法平其肝木之旺
補其脾胃之虛則土氣無虧自然見土而不嗜矣方用六
君子湯加減用之 人參一錢 茯苓三錢 甘草五分 陳皮
五分 半夏三分 白朮五錢 黃芩五分 白芍五錢 黃土三錢
水煎服一劑而肝氣平二劑而脾胃之氣轉四劑不思食

泥也此方原是健脾胃之聖藥加入黃芩以清火加入白芍以平肝肝平火清而脾胃自得其養矣尤妙加入黃上者借土氣以安脾投其所好而六君子諸藥益足以展其健運之功耳

胎毒門

一小兒生半歲或一二歲忽身上手足上肚腹上兩臂上或頭面上長成大瘡久變爲毒百藥治之而罔效者此非小兒之毒乃父母之毒也當時結胎或感楊梅之惡氣及其坐胎之後或感淫毒之火邪遂致貽害於小兒治之不得其法半多死亡實可憫也吾逢異人之傳治胎毒小兒

色數十人矣皆服之得生我不傳方不特失異人傳鐸之

善心而且使小兒可救之病以不得吾方而失援則小兒

之死不猶鐸之殺之乎鐸則何敢故寧傳世使世服方面

嘆或有不效斷不可不傳使世之怨無方以救子也方用

金銀花 二兩 生甘草 三錢 人參 錢 天花粉 二錢 黃蘗

三錢 錦地羅 三錢 水煎服二劑而毒全消倘外口不愈另

有外治之方用 蝸牛 二錢 生甘草 三錢 冰片 一錢 兒茶

三錢 輕粉 一錢 射香 三分 樟腦 三錢 黃丹 三錢 水粉 三錢

枯礬 三錢 地龍糞 五錢 各為絕細末日以蘇油調敷瘡口

不須數日自然瘡内生肉而瘡口外斂真神方也輕者

用前方而不必用外治重者內外合治無不速愈矣釋從
萬世起見將仙方輕易傳世願世人廣傳體傳之心爲心
切勿自試爲奇隱而不傳以受天譴也

辨證奇聞卷十終